

**გაეროს ეროვნული საავიაციო აჭარის პილარომატოროლოგიური ობსერვატორიის წინადადება**

დღეს მოსალოდნელია ცვალებადი მოღრუბულობა, უნალექოდ, ცვალებადი მიმართულების ქარი - 10-15 მეტრი წამში, ტემპერატურა სანაპირო რაიონებში - 12-17, შიდა-თიან რაიონებში - 8-13 გრადუსი სითბო, მაღალ მთაში - 2-7 გრადუსი სითბო. ზღვის წყლის ტემპერატურა 10 გრადუსია, ატმოსფერული წნევა - 769 მილიმეტრი.

მომდევნო 2 დღეს მოსალოდნელია უნალექო ამინდი.

**კრიკოსი N იუსი**

პრემიერ-მინისტრი ირაკლი ღარიბაშვილი დავოსის მსოფლიო ეკონომიკურ ფორუმში მონაწილეობს. მთავრობის მეთაური, ფორუმის ფარგლებში, მსოფლიოში ერთ-ერთი უდიდესი საბორნე ოპერატორი კომპანიის - Stena Line-ის აღმასრულებელ დირექტორ ნიკოლას მარტენსონს, Citigroup-ის სამეთვალყურეო საბჭოს თავმჯდომარის მოადგილე ჯეი კოლინსს, შვეიცარიის კონფედერაციის პრეზიდენტი ალან ბერსეს, სერბეთის რესპუბლიკის პრეზიდენტი ალექსანდრ ვუჩიჩს შეხვდა, ასევე, დავოსის მსოფლიო ეკონომიკური ფორუმის დამფუძნებლისა და აღმასრულებელი თავმჯდომარის, პროფესორ კლაუს შვაბისა და მისი მეუღლის შილდეს შვაბის მიერ ორგანიზებულ ტრადიციულ მიღებას დაესწრო, რომელიც ფორუმის მონაწილე ლიდერებისა და წამყვანი კომპანიების ხელმძღვანელების პატავსაცემად გაიმართა.

ევროკავშირის ელჩი პაველ ჰერჩინსკი პარლამენტში შეხვედრებს განაგრძობს. «ვიმედოვნებ, რომ 12-ვე პრიორიტეტზე მნიშვნელოვანი პროგრესი მიიღწევა», - განაცხადა ელჩმა საპარლამენტო კომიტეტების თავმჯდომარეებთან შეხვედრების შემდეგ. დიპლომატმა იმედი გამოთქვა, რომ საქართველოსთან დაკავშირებით ევროპული კომისიის მოსაზრება დადებითი იქნება და ევროკავშირის 27 წევრი სახელმწიფოს გადაწყვეტილება, ამ წლის ბოლოს, საქართველოს ევროპული მისწრაფებების სასარგებლოდ იქნება მიღებული.

საქართველოს საკანონმდებლო და აღმასრულებელი ხელისუფლების პირველი პირები ბროვარში ვერტმფრენის ჩამოვარდნის შედეგად დაღუპულების ოჯახებს, უკრაინელ ხალხსა და უკრაინის პრეზიდენტს სამძიმარს უცხადებენ. კიევის ოლქში ვერტმფრენის ჩამოვარდნის შედეგად 18 ადამიანი დაიღუპა. მათ შორის - უკრაინის შინაგან საქმეთა მინისტრი დენის მონასტირსკი, მისი პირველი მოადგილე ევგენი ენინი და სახელმწიფო მდივანი იური ლუბკოვიჩი. დაშავებულია 29 ადამიანი. დაღუპულთა და დაშავებულთა შორის არიან ბავშვები.

ნიკა მელიამ ვანო მერაბიშვილი და დავით კეჭერაშვილი მის წინააღმდეგ ბრძოლაში საჯაროდ ამხილა. ენმ-ის თავმჯდომარე ამბობს, რომ კულუარებიდან საარჩევნო კამპანიის დაგეგმვაში ეს ორი ადამიანი მონაწილეობს - შს და თავდაცვის ყოფილი მინისტრები. მისივე თქმით, ფარული ჩანაწერების უკან მერაბიშვილი დგას. «ეს არის ვანო მერაბიშვილის დაგეგმილი. მან ჩათვალა, რომ ამ აუდიოჩანაწერის გავრცელებას შეეძლო გავლენის მოხდენა არჩევნების შედეგებზე», - განაცხადა მელიამ

მომავალა ია შვედიაში

**ბათუმში, იუსტიციის სახლის მიმდებარე უსაფრთხოების კუნძულების მოწყობა იგეგმება**

ნაიჭა შუტპარამი 555 12 72 07

უსაფრთხოების კუნძულების მოწყობის სამუშაოებს მერიის ინფრასტრუქტურისა და კეთილმოწყობის სამმართველო ტენდერით შეისყიდის. მომსახურებისთვის კი, ქალაქის ბიუჯეტიდან, მაქსიმუმ 87 839 ლარია გათვალისწინებული სამუშაოები ტენდერში გამარჯვებულთან ხელშეკრულების გაფორმებიდან 2023 წლის ივნისამდე პერიოდში უნდა დასრულდეს.

იუსტიციის სახლის მიმდებარე არსებულ ამ წრიულთან საფენმაგლო ხიდებიც უნდა აშენდეს, რომლებიც შერიფ ნიშნისაშვილის ქუჩას გადაკვეთს და გმირთა ხეივანს არდაგანის ტბასთან დააკავშირებს. ხიდებზე ადაპტირებული ლიფტების მონტაჟიც იგეგმება. ამ პროექტს მუნიციპალური განვითარების ფონდი ახორციელებს.

რაც შეეხება ტენდერს, რომლის ფარგლებშიც ხელოვნური კუნძულები უნდა მოეწყოს, მერიის სამმართველოს 2 325 076 ლარით აქვს გამოცხადებული.

წინადადებების მიღება 2023 წლის 3 თებერვალს დაიწყო და 8 თებერვალს დასრულდება.

ამ ტენდერის ფარგლებში დაგეგმილია:



იუსტიციის სახლის მიმდებარე უსაფრთხოების კუნძულების მოწყობა - მაქსიმუმ 87 839 ლარით; ბაღის ქუჩის პირველი ჩიხის რეაბილიტაცია - 510 044 ლარით; ასევე დაგეგმილია ბათუმში, ფანასკერტელ-ციციშვილის ქუჩის რეაბილიტაცია 1 727 193 ლარით (ტენდერის პირობის მიხედვით, შესრულებული სამუშაოების ღირებულების გათვალისწინებით, 2023 წელს ანაზღაურდება არა უმეტეს 727 194 ლარი, ამასთან, მერიის სამმართველო უფლებამოსილია მიიღოს გადაწყვეტილება 2023 წელს დამატებითი დაფინანსების შესახებ.

**მოსახლეობისთვის მედიკამენტები უფრო ხელმისაწვდომი რომ გახდეს**

ფარმაცევტულ კომპანიებს, განსაზღვრულ ფასზე ძვირად წამლის გაყიდვა 15 თებერვლიდან აღარ შეეძლება

რეგულირებული ფასი პირველ ეტაპზე 1300-ზე მეტ ქრონიკულ და ონკოლოგიურ მედიკამენტზე დაწესდა, ეტაპობრივად კი სხვა მედიკამენტებზეც განისაზღვრება.

მედიკამენტებზე განსაზღვრული რეგულირებული ფასი ორიგინალისა და მისი ანალოგი გენერიკებისთვის განსხვავებულია, რაც ბაზარზე საერთაშორისო ბრენდების ინტერესს დაზღვევს.



ზღვრული მაქსიმალური ფასები დაწესდა როგორც საბითუმო, ისე საცალო რეალიზაციისთვის.

ცვლილების მიზანია, მოსახლეობისთვის მედიკამენტები უფრო ხელმისაწვდომი გახდეს.

მედიკამენტების ჩამონათვალი იხილეთ ბმულზე:  
<https://referenceprice.moh.gov.ge/ui/#/main>

აჭარის მთავრობის პრესსამსახური

**რა დივიდენდები მიიღო ამ ომში რუსეთმა, დასავლეთმა და უკრაინამ?** 3

**კოოპერაცია გადაწყვეტ მნიშვნელოვან ნიქსს** 4

**სად ვუვავთ უხვდოვას უფროსები «ბარდატხის ასაკში» გეოგ მოზარდებთან ურთიერთობისას?** 5

**«სკოლების ოპტიმიზაციის და კადრების შეხვედრის პროცესი უვარჩეთ»** 6

ISSN 2720-8702

9 772720 870003

**გამოიწერეთ გაზეთი «აჭარა»!**

ვისაც სურს მიიღოს მაქსიმალურად ზუსტი ინფორმაცია და ობიექტური ანალიზი არა მარტო ჩვენი რეგიონის, სრულიად საქართველოს პოლიტიკური, ეკონომიკური, სოციალური და კულტურული ცხოვრების მთავარი მოვლენების შესახებ, შესაბამისი თხოვნით მიმართოს სა-დისტრიბუციო ორგანიზაციას «ბათუმი ექსპრესი» (ქ. ბათუმი, ჭავჭავაძის ქ. №90, ტელ: 555 86 12 21). მისი დანართებით თქვენს მისამართზე მიიღებთ გაზეთ «აჭარის» ყოველ მომდევნო ნომერს.

გამოიწერეთ და ითანამშრომლეთ გაზეთ «აჭარასთან»!

ჩვენთვის ძვირფასია თითოეული თქვენგანის აზრი!

წამოჭრილი პრობლემების შემთხვევაში დაგვიკავშირდით: 577 20 43 55.





# სატრანსპორტო კოლფსებისა და სასოფლის მეურნეობის თაველან ასაქილელად

აჭარის უმაღლესი საბჭოს თავმჯდომარის მოადგილე ტიტე არაშვილის ინიციატივით, ბათუმში „აჭარის რეგიონული საზოგადოებრივი ტრანსპორტის გენერალური გეგმისა და ინსტიტუციონალური მოდელის“ პრეზენტაცია-განხილვა გაიმართა



„საზოგადოებრივი ტრანსპორტი ჩვენი ეკონომიკისა და ყოველდღიური ცხოვრების განუყოფელი ნაწილია, რომლის განვითარებაც დღეს არსებული გამოწვევების ფონზე, გრძელვადიან პერსპექტივაზეა გათვლილი. ის რეგულაციები და საკანონმდებლო ცვლილებები, რომლებიც ხელს შეუწყობს სატრანსპორტო სისტემის დარეგულირებას და მის ერთიან სისტემად ჩამოყალიბებას, უმნიშვნელოვანესია ჩვენი ქვეყნისათვის.“ - აღნიშნა ტიტე არაშვილმა პრეზენტაციის განხილვისას.

ორ სესიად მიმდინარე ღონისძიებაზე აჭარის რეგიონული საზოგადოებრივი ტრანსპორტის გენერალური სქემა და საზოგადოებრივი ტრანსპორტის ინსტიტუციური მოდელი ტრანსპორტის მენეჯერებმა, კომპანია შოშის ტექნიკურმა დირექტორმა ზურაბ ბერაძემ და ამავე კომპა-

ნიის სამართლებრივმა ექსპერტმა ეკა შანიძემ წარმოადგინეს. როგორც აღინიშნა, შემუშავებული დოკუმენტები მომრავლებული სატრანსპორტო საშუალებების ფონზე სატრანსპორტო კოლფსებისა და საცობების თავიდან აცილებას ისახავს მიზნად. სატრანსპორტო პრეზენტაციის დასრულების შემდეგ, გაიმართა კითხვა-პასუხის სესია და დისკუსია სამომავლო ნაბიჯებზე.

პრეზენტაციას, რომელსაც აჭარის უმაღლესი საბჭოს წევრები მარინე გვიანიძე, ლადო მგალობლიშვილი, აპარატის უფროსი ზურაბ ჭურ-

კვიძე, კომიტეტების, საქართველოს პარლამენტის, აჭარის აღმასრულებელი ხელისუფლებისა და არასამთავრობო სექტორის წარმომადგენლები ესწრებოდნენ, საქართველოში ვესტმინსტერის დემოკრატიის ფონდის წარმომადგენლობის ხელმძღვანელმა ლაშა ნაკაშიძემ შეაჯამა. შეხვედრაზე წარმოდგენილი გენერალური გეგმისა და ინსტიტუციონალური მოდელის სამუშაო ვერსიები ვესტმინსტერის დემოკრატიის ფონდის ტექნიკური მხარდაჭერით გადაიხედება და განხილდება.

## „ჩვენს ქვეყანას ექნება ხელშესახები შედეგები“



საქართველოს პრემიერ-მინისტრი ესაუბრება საერთაშორისო მსხვილ კომპანიებს, რომლებიც დაინტერესებულნი არიან ჩვენი ქვეყნის საინვესტიციო პოტენციალით და დარწმუნებული ვარ, რომ ამ კომუნიკაციით და ამ შეხვედრებით ჩვენს ქვეყანას ექნება კონკრეტული ხელშესახები შედეგები, - განაცხადა საგარეო საქმეთა მინისტრმა ილია დარჩიაშვილმა დავოსში, სადაც პრემიერ-მინისტრი ირაკლი ლარიაშვილთან ერთად მსოფლიო ეკონომიკურ ფორუმში მონაწილეობს.

„დავოსში გრძელდება მსოფლიო ეკონომიკური ფორუმი, რომელსაც ესწრება საქართველოს პრემიერ-მინისტრი დელეგაციასთან ერთად. აღნიშნულ პლატფორმას აქვს ორი უმნიშვნელოვანი დატვირთვა - ერთი მხრივ, ეს არის პოლიტიკური შეხვედრები, რომელსაც საქართველოს პრემიერ-მინისტრი მართავს კოლეგა ლიდერებთან და ეს არის ძალიან კარგი შესაძლებლობა, რომ კიდევ უფრო გავაძლიეროთ ორმხრივი ურთიერთობები ჩვენს პარტნიორებთან. მეორე მხრივ, ეს არის ეკონომიკური განხილვები, სადაც სხვადასხვა მსხვილი საერთაშორისო ბიზნესკომპანიები, რომლებიც წარმოდგენილები არიან დავოსში, ეძებენ იმ მნიშვნელოვან შესაძლებლობებს, სადაც შეიძლება ინვესტიციების ჩადება და სწორედ ამ მიმართულებით საქართველოს პრემიერ-მინისტრი მართავს საკმაოდ საინტერესო შეხვედრებს კომპანიების ხელმძღვანელებთან, რომლებიც დაინტერესებულნი არიან ჩვენი ქვეყნის საინვესტიციო პოტენციალით და დღეს არსებული შესაძლებლობების ფონზე, რომელსაც ჩვენი ქვეყანა სთავაზობს საერთაშორისო პარტნიორებს. ვფიქრობ, ძალიან კარგი დროა იმისთვის, რომ საქართველოს პრემიერ-მინისტრი ესაუბრება საერთაშორისო მსხვილ კომპანიებს და დარწმუნებული ვარ, რომ ამ კომუნიკაციით და ამ შეხვედრებით ჩვენს ქვეყანას ექნება კონკრეტული ხელშესახები შედეგები“, - განაცხადა ილია დარჩიაშვილმა.

ილია დარჩიაშვილის განცხადებას საქართველოს საგარეო საქმეთა მინისტრი ავრცელებს.

## სარეჟისორი - შუბ პირის ოჯახს

ოთარ ცინაიძემ 599 85 21 14

შუბის მუნიციპალიტეტის სოფელ გომარდულის მკვიდრები ციცილო ყიფიანი და რევაზ ქარცივაძე სამი ვაჟის მშობლები არიან

კახა უკვე დაოჯახებულია, საზოგადოებაში კარგი ავტორიტეტით სარგებლობს ბექა, რომელმაც უკვე მეოთხედს საუკუნე მიითვალა. მესამე შვილი ოჯახს 22 წლის წინ შეემატა. იგი სარეცელსა მიჯაჭვული. მშობლების, ექიმების ჩარევ-

ით, ჯაბას მდგომარეობა საგრძნობლად შეიცვალა, თუმცა დამოუკიდებლად გადაადგილება ისევ უჭირს. - ჯაბას გაჩენამდე გომარდულის სასოფლო ბიბლიოთეკის გამგედ გმუშაობდი. შვილის ტრაგიკულმა ბედმა სამუშაოს ჩამოშალა, ერთი დღითაც კი არ გავსულვარ ოჯახიდან და ჯაბა ბედის ანაბარად არ მიმიტოვებია. კეთილი დამიანებდა, ქვეყნის, რეგიონის ხელისუფალისა და ღონისძიებების

ხელშეწყობით, მას პერსონალური ასისტენტი და შინ მოვლის სპეციალისტი დაუნიშნეს. თემურ ჭალაიძე და მაცვალა მახარაძე მას მზრუნველობას უწევენ, რამაც ტვირთი მნიშვნელოვნად შემიმსუბუქა, - გვითხრა ციცილომ.

შუბ პირის მზრუნველობა, სოფლის მძიმე ცხოვრება, მრავალწევრიანი ოჯახის ეკონომიკურ მდგომარეობაზე უარყოფითად აისახება. მწირი შემოსავალი, გაუქმებული



## ხელოვნური საშვილოსნო - ეს შესაძლებელია?

ინტერნეტსივრცეში კომპიუტერული მოდელირებით შექმნილი ვიდეო ვირუსულად გავრცელდა, რომელიც ნაჩვენებია, როგორ შეიძლება იყოს ხელოვნური საშვილოსნო ე.წ. EctoLife და ის დაწესებულება, სადაც ემბრიონი ამგვარ ხელოვნურ საშვილოსნოში გაიზარდება

ამ ვიდეოში ვხედავთ EctoLife-ად წოდებულ მოწყობილობას, რომელსაც ყოველწლიურად 30000 ბავშვის წარმოება შეეძლება. ხელოვნური საშვილოსნოს დახმარებით წყვილები ბავშვების ყოლას ორსულობისა და მშობიარობის გარეშე შეძლებენ. ბიოტექნოლოგები ამბ-

ობენ იმასაც, რომ 10 ან მეტიმემ, 15 წლის შემდეგ ხელოვნური საშვილოსნოები შვილების გაჩენის მთავარ გზად იქცევა.

კადრებმა საზოგადოებაში დიდი გამოხმაურება და აზრთა სხვადასხვაობა გამოიწვია.

როგორც ვიდეოს შემქმნელი და ბიოტექნოლოგი ჰაშემ ალ გაილი ამბობს, ხელოვნური საშვილოსნო ჩველთა ინკუბატორების გაუმჯობესებული ვერსია იქნება.

„ის ამოცანები იქნება სითხით, რომელსაც ექნება ისეთივე მუცავატუტოვანი, ნუტრიენული და ტემპერატურული გარემო, როგორც ბუნებრივ გარემოში, დედის საშვი-

ლოსნოში არსებულ ამნიონურ სითხეს აქვს. ხელოვნური საშვილოსნო აღჭურვილი იქნება უანგბადით, საკვებით და ყველა საჭირო ნივთიერებით, რომელიც ემბრიონის განვითარებისთვისაა საჭირო.

იმისთვის, რომ ემბრიონის გაზრდა ხელოვნურ საშვილოსნოში მოხდეს, პირველ რიგში, ინ-ვიტრო განყოფიერება საჭიროა.

ინ-ვიტრო განყოფიერების დროს სპერმატოზოიდისა და კვერცხუჯრედის შერწყმის პროცესი ორგანიზმის გარეშე, მაღალტექნოლოგიურ ლაბორატორიაში, მიმდინარეობს.

მეორე ეტაპი უკვე ემბრიონის ხელოვნურ საშვილოსნოში მოთავსებაა.

ხელოვნური საშვილოსნოს თავზე განთავსებულია მოლეკულები, რომლებიც ემბრიონს თავისკენ მაგნიტით იზიდავს. ამ მიზიდულობის წყალობით ნაყოფი ბუნებრივად თავსდება ხელოვნურ საშვილოსნოში, სადაც ემბრიონი მომავალი 9 თვის განმავლობაში ზრდას განაგრძობს, ანუ, ამ შემთხვევაში ემბრიონის განთავსება ხდება არა სხვა ქალის საშვილოსნოში, როგორც ეს ინ-ვიტრო განყოფიერების დროს ხდება, არამედ ხელოვნურ საშვილოსნოში“, - ამბობს ჰაშემი.

როგორც იცით, ინ-ვიტრო განა-

ყოფიერების შემთხვევაში სუროგატი დედის პოვნა არც ისე მარტივია. უშიგლო წყვილებს წლების განმავლობაში რიგში დგომა და უამრავი განცხადების შევსება უწევთ, ხელოვნური საშვილოსნოს შემთხვევაში კი ისინი შვილის ყოლას ნებისმიერ დროს შეძლებენ.

ბიოტექნოლოგები ამბობენ, რომ ხელოვნური საშვილოსნოს თავზე მოთავსებული იქნება კამერა, რომლის საშუალებითაც ემბრიონის ზრდის ყველა ეტაპის მონიტორინგი იქნება შესაძლებელი. შესაბამისად, მშობლებს შეეძლებათ 24 საათის განმავლობაში თვალი ადევნონ ნაყოფის განვითარების პროცესს და ასევე, მონიხულონ ის რამდენჯერაც ამისი სურვილი ექნებათ. მშობლები შეძლებენ აკონტროლონ ემბრიონის გულისცემა, ტემპერატურა, უანგბადის სატურაცია, სუნთქვის სიხშირე.

ამ ყველაფრის კონტროლს მშობლები სპეციალური აპლიკაციის საშუალებით შეძლებენ, რომელიც პირდაპირ იქნება დაკავშირებული ხელოვნურ საშვილოსნოსთან. ხელოვნურ საშვილოსნოზე დამატებული ყურსასმენების წყალობით, წყვილებს საშუალება ექნებათ ესაუბრონ ბავშვს, მოასმენინონ მუსიკა.



მარი მიხასაძე

ამირან გურიელიძე



# რა დივიდენდები მიიღო ამ ომში რუსეთმა, დასავლეთმა და უკრაინამ?


ლუბა ხომბერიძე 593 50 82 69

მსოფლიო ისტორიას არაერთი დამანგრეველი, მასშტაბური, ხანგრძლივი ომი ახლავს, რომლის შემდეგ ზოგი იმპერია არსებობას წყვეტდა, ზოგი ფართოვდებოდა

მე-20 საუკუნე ამ მხრივ გამოჩენილი იყო: პირველმა და მეორემ მსოფლიო ომებმა ცარიული რუსეთს და ნაცისტურ გერმანიას მოუღო ბოლო, ხოლო ცივმა ომმა საბჭოთა კავშირის დაშლა განაპირობა, რის შედეგადაც პოსტსაბჭოთა ქვეყნებმა დამოუკიდებლობა მოიპოვეს. სამწუხაროდ, რუსეთი ამ რეალობას არ შეეგუა და საქართველოს, მოლდოვის და ახლა უკრაინის ტერიტორიების ოკუპაციას მიჰყო ხელი, რაც დასავლეთის რუსეთისადმი მამებლური და არათანმიმდევრული პოლიტიკის შედეგია.

რუსეთის ინტერვენციამ უკრაინაში მსოფლიო თანამეგობრობა გამოაფხიზლა. პრაქტიკულად, მოსკოვმა ევრაზიის კონტინენტზე ფართომასშტაბიანი ომი წამოიწყო, მიზანი - უკრაინის მსოფლიო პოლიტიკის რადარებიდან გაქრობა. თითქმის ერთი წელია, ვუყურებთ უსასტიკეს ომს, სიკვდილს, სისხლისღვრას, ცრემლებს უკრაინაში. ათიათასობით დახოცილი, ასიათასობით დაჭრილი და მილიონობით ლტოლვილი იმას ცხადყოფს, რომ რუსეთი არ იცვლება, კვლავ საშიში და ბოროტი ძალაა, ომის თერთმეტი თვის განმავლობაში ეს მკვეთრად წარმოჩნდა. ფაქტები მეტყველებს, რომ ევროპის გეოპოლიტიკური სისტემის მდგრადობა ვეღარ იქნება ისეთი, როგორც ომის დაწყებამდე იყო. რუსეთის შეჭრამ უკრაინის სუვერენულ სახელმწიფოში დასავლური, ცივილიზებული საზოგადოება ისე გააერთიანა, მსგავსი სოლიდარობა 2008 და 2014 წლებში რომ დანახა რუსეთს, დღეს, სავარაუდოდ, სხვა რეალობაში იქნებოდა მსოფლიო, უფრო მეტიც, შესაძლოა, ომი თავიდან აგვეცილებინა კიდევ. ვხედავთ, როგორი თანადგომა და მხარდაჭერა გამოუხატა ევროპის წამყვანმა სახელმწიფოებმა უკრაინას, როგორ ამარაგებენ იარაღით, როგორ ემხარებოდნენ ფინანსურად, დიდა პოლიტიკური მხარდაჭერაც. დასავლეთის მკაფიო დახმარება რომ არა, უკრაინელებს გაუძნელებოდათ მტრის შეჩერება. პირდაპირ უნდა ითქვას, რომ რუსეთი არც უკრაინის მხრიდან არ ელოდა ასეთ მამაცურ წინააღმდეგობას და არც ასეთ საყოველთაო თანადგომას მსოფლიოს წამყვანი ქვეყნებისგან, რომლებმაც უარი თქვეს ეკონომიკური სიკეთების მიღებაზე და უმკაცრესი სანქციები დაუწესეს რუსეთს. როგორც ჩანს, კრემლის იმედი ჰქონდა, რომ უკრაინელები დანებდებოდნენ, საზოგადოება გაიხიზნებოდა, აიბრუნებოდა. რუსებს ჰქონდათ 2014 წლის მაგალითი, როდესაც უკრაინის სახმელეთ-საზღვაო ძალების ნაწილი რუსეთის მხარეს გადავიდა, სწორედ ამიტომ ვერ შეძლეს მაშინ უკრაინელებმა ყირიმის დაცვა. როგორც ჩანს, კრემლი ახლაც ელოდა რუსულენოვანი მოსახლეობის მხარდაჭერას აღმოსავლეთ უკრაინაში. უნდა აღინიშნოს, რომ 2014 წლის შემდეგ კიევმა სწორი დასკვნა გამოიტანა, გაანალიზა სიტუაცია და თითქმის 7 წლის განმავლობაში გაატარა რეფორმები ძალადგანი უწყებებში, მოქალაქეებში სახელმწიფოებრივი თვითშეგნება აამაღლა. უკრაინის თითოეული მოქალაქე, ეროვნების მიუხედავად, იბრძვის სამშობლოს გოჯი მიწისთვის.

ბლიცკრიგი რუსეთს არ გამოუვიდა, რაშიც, უკრაინელების თავდადებულად ერთად, იმანაც დიდი როლი ითამაშა, რომ დასავლეთმა უზუსტესი ინფორმაციები მიაწოდა უკრაინას კრემლის გეგმებთან დაკ



## აშშ და ნატო უშუალო სამხედრო ჩარევის გარეშე უმკლავდება რუსეთს, ნატო უფრო მიუახლოვდა რუსეთის საზღვრებს, აშშ-მა ზესახელმწიფოს სტატუსი შეინარჩუნა და განიმტკიცა, ჩინეთმა შუა აზიაში რუსეთის ჰეგემონობას ბოლო მოუღო, სამხრეთ კავკასიაში შესუსტდა კრემლის პოზიციები, მაგალითად, სომხეთმა უარი განაცხადა რუსეთთან ერთობლივ სამხედრო წვრთნებზე

ავშირებით, რაც ომში უპირატესობის მოპოვების უმნიშვნელოვანესი კომპონენტია.

რუსეთი, როგორც ცნობილია, სამ დღეში გეგმადა კიევის აღებას, ერთ კვირაში კი მთლიანად უკრაინის დამორჩილებას აპირებდა, მაგრამ წადილი ერთია, რეალობა კი სხვა. თავის დროზე გერმანიის მიერ კიევის აღებას და შემდეგ საბჭოთა კავშირის მიერ მის გათავისუფლებას ასიათასობით ჯარისკაცის სიცოცხლე დასტორდა, გაუგებარი იყო რუსეთის არმიის მხრიდან ბლიცკრიგით კიევის აღების მცდელობა. როგორც ჩანს, პუტინი მამებლეთა გარემოცვაშია და ილუზიებით იკვებება. მას არ აწვდის სწორ ინფორმაციას უკრაინაში შექმნილ მდგომარეობაზე, რუსეთი შეცდა არა მხოლოდ უკრაინელების ბრძოლისუნარიანობის შეფასებაში, არამედ სტრატეგიულ პოლიტიკურ გათვლებშიც, რადგან ჩათვალა, რომ დასავლეთი ისევ მხოლოდ შეშფოთება-აღშფოთების რიტორიკას დასჯერდებოდა, როგორც ეს საქართველოში რუსული სამხედრო აგრესიის დროს გააკეთა. ამერიკად, დასავლეთმა (მეტწილად დიდმა ბრიტანეთმა და აშშ-მა) ბევრად მეტი სიმამაცე გამოიჩინა და უთანასწორო ომში მყოფ უკრაინას პოლიტიკური, ფინანსური და, რაც მთავარია, სამხედრო დახმარება შესთავაზა... ამ მხრივ დასავლეთი პრაგმატულად მოქმედებდა: თავდაპირველად ათასობით ტანკსაწინააღმდეგო „ჯაველინი“ და საზენიტო „სტინგერი“ მიაწოდა, რომლებმაც მნიშვნელოვანი როლი შეასრულეს რუსული ჯავშანტექნიკისა და შვეულმფრენების მოსაგერიებლად, მაგრამ როდესაც ბრძოლა უფრო პოზიციური გახდა და საქმეში შორსმსროლელი მსხველკალიბრიანი არტილერია ჩაერთო, მაშინ დასავლეთის სამხედრო დახმარებაც მნიშვნელოვნად გაფართოვდა - „ჰაიმერსებმა“ უმნიშვნელოვანესი როლი შეასრულეს ხარკოვის ოლქისა და ხერსონის გათავისუფლებაში. ექსპერტთა თქმით, უკრაინის არმიას კონტრშეტვის გასაგრძელებლად აუცილებლად სჭირდება უფრო შორსმსროლელი და მეტი სიმძლავრის სამხედრო ტექნიკა, რათა დანარჩენი ოკუპირებული ტერიტორიები გაათავისუფლოს.

ცხადია, ყველა ომი გარკვეული დროის შემდეგ მოლაპარაკებები სრულდება. რაც უნდა უცნაური იყოს, მოლაპარაკებებს მოსკოვი ითხოვს, საფრანგეთის და ინდოეთის ლიდერებიც რატომღაც კიევის მოუწოდებენ ომის შეწყვეტისკენ, რაზეც უკრაინა არ თანხმდება. პრეზიდენტმა ზელენსკიმ ამას წინა

ხაზგასმით განაცხადა, რომ ვიდრე არ მოხდება ოკუპირებული ტერიტორიების დეოკუპაცია, მანამდე რუსეთთან მოლაპარაკებების გამართვას არ აპირებს.

ჩვენ ვაკეთებთ ყველაფერს იმისათვის, რომ 2023 წელი გამარჯვების წლად ვაქციოთ“, - განაცხადა უკრაინის პრეზიდენტმა. ამ მხრივ კიევმა ვაშინგტონისგან მიიღო მხარდაჭერა. ახლა ექსპერტები კითხულობენ, რა დივიდენდები მიიღო ამ ომის მსვლელობისას რუსეთმა, დასავლეთმა და უკრაინამ? უდავოა, რომ რუსეთის უძლველობისა და მსოფლიოში მეორე არმიის მითი სრულიად დაიმსხვრა. ნატო ფართოვდება - ფინეთი და შვედეთი ამ ორგანიზაციის ახალი წევრები გახდებიან, ევროკავშირმა რუსულ გაზზე უარი თქვა და გათხევადებულ გაზზე მოახდინა ფოკუსირება, რუსეთი პრაქტიკულად, იზოლაციაში მოექცა, აშშ და ნატო უშუალო სამხედრო ჩარევის გარეშე უმკლავდება რუსეთს, ნატო უფრო მიუახლოვდა რუსეთის საზღვრებს, აშშ-მა ზესახელმწიფოს სტატუსი შეინარჩუნა და განიმტკიცა, ჩინეთმა შუა აზიაში რუსეთის ჰეგემონობას ბოლო მოუღო, სამხრეთ კავკასიაში შესუსტდა კრემლის პოზიციები, მაგალითად, სომხეთმა უარი განაცხადა რუსეთთან ერთობლივ სამხედრო წვრთნებზე. რაც შეეხება უკრაინას, ამ დრომდე ამ ქვეყნის პრობლემა იყო გათიშულობა, ხელისუფლების შტოების შორის შეუთანხმებლობა და საზოგადოების ნაწილში სახელმწიფოებრიობის ვერგანცდა. ხაზგასმულია მნიშვნელოვანი ფაქტორი - უკრაინელებს ბრძოლა ყოველთვის შეეძლოთ. იყო დრო, როდესაც ისინი ერთად ებრძოდნენ რუსეთის იმპერიას, შედეგით, პოლონეთს და იტალიას, ხშირ შემთხვევაში იმარჯვებდნენ კიდევ. ზელენსკის მთავრობამ ზემოაღნიშნული პრობლემა (ერის გათიშულობა) მოაგვარა, ერი გაერთიანდა საერთო მიზნის გარშემო - უკრაინა უნდა იყოს ძლიერი და დასავლური ბანაკის განუყოფელი წევრი. ფრონტის ხაზზე უკრაინელთა წარმატების მიუხედავად, რუსეთს სამი კოზირი დარჩა: ენერგოსექტორის დაბომბვა, მობილიზაცია და ატომური იარაღის გამოყენება. კრემლი ორ კოზირს იყენებს, მაგრამ ბრძოლაში წარმატებას ვერ აღწევს. სოლიდარის აღებას ვერაფერი შეცვალა სამხედრო თვალსაზრისით. ეს პატარა ქალაქი პრაქტიკულად განადგურდა, რასაც ათასობით ოკუპანტი შეეწირა. ცხადია, დანაკარგები აქვს უკრაინულ მხარესაც. გარდა ამისა, ბახმუტში ყოველდღეობდა ასო-

ბით რუსი სამხედროს ლიკვიდაცია ხდება, ამიტომ რუსეთი უკრაინის ინფრასტრუქტურას და საცხოვრებელ სახლებს ანადგურებს, რათა მოსახლეობა საკუთარი ხელისუფლების საწინააღმდეგოდ განაწყოს. საყურადღებოა ის ფაქტი, რომ დასავლეთმა უკრაინას ათასობით გენერატორი გადასცა ენერგეტიკული სექტორისთვის. სათქმელია ისიც, რომ მობილიზაცია რუსეთში არც ისე წარმატებით მიმდინარეობს, ბრძოლისუნარიანი ბატალიონების შექმნას წლები სჭირდება, ამდენი დრო რუსეთს არ აქვს, რჩება მესამე კოზირი - ატომური იარაღის გამოყენება. ამ მხრივაც ხელისუფლებული ფაქტორი: არსებობს ტაქტიკური და სტრატეგიული ბირთვული იარაღი, ამ უკანასკნელის გამოყენება ამ შემთხვევაში არარელევანტურია - მას დამანგრეველი შედეგი ექნება. ხოლო თუ რუსეთი დასავლეთ უკრაინაში ან კიევში გამოიყენებს ტაქტიკურ ბირთვულ

იარაღს, ამას ძალიან მწვავე რეაგირება მოჰყვება დასავლეთის მხრიდან, რადგან ეს უკრაინელთა გენოციდს ნიშნავს. პუტინი არაა დარწმუნებული, რომ მის ბრძანებას ატომური იარაღის გამოყენების შესახებ გენერალიტეტი შეასრულებს, ჰაავის სასამართლოში გასამართლება არავის უნდა... რუსეთი ჩრდილოეთ კორეა არ არის, დიდხანს იზოლაციაში ყოფნას ვერ გაუძლებს. თვით საბჭოთა კავშირმა ვერ გაუძლო კონკურენციას დასავლეთთან და ჩამოიშალა. ყველაფერი ცხადყოფს, რომ კრემლი მზად არ არის დასავლეთთან საომრად. დაწესებული ეკონომიკური სანქციები მას ძალიან დაზარალებს, გამოიწვევს რუსული ეკონომიკის კრიზისს, რაც უკვე დაწყებულია, ხოლო რუსეთის საზოგადოება ხელისუფლებას როდის გამოუტანს ვერდიქტს, დრო დაგვანახებს. ოფიციალური კიევის ინფორმაციით, დაღუპულია დაახლოებით ასი ათასზე მეტი ოკუპანტი, ამდენივე დაიჭრა, განადგურებულია ათიათასობით რუსული სამხედრო ტექნიკა, კიევი რუსეთის სამხედრო ბაზებს უკვე მათ ტერიტორიაზე ბომბავს. მეტად მნიშვნელოვანია, რომ უკრაინული არმია მოტივირებულია, თანაც დასავლეთი ეხმარება. შეგახსენებთ, რა თქვა აშშ-ის პრეზიდენტმა ჯო ბაიდენმა: „არ დაგუშვებთ რუსეთის გამარჯვებას ამ ომში“. ეს განცხადება მრავლისმთქმელია. ექსპერტები აცხადებენ, რომ დასავლეთი ეტაპობრივად ცდილობს შეაგუოს რუსეთი დამარცხებას, რადგან უფრო ხანგრძლივი კავშირი არ არის გამორიცხვნილი რუსეთში სამოქალაქო ომის დაწყება, ამის გამოცდილებები ამ სახელმწიფოს აქვს, რაც საფრთხის შემცველია სხვადასხვა ქვეყნისთვის, ამიტომ მსოფლიო თანამეგობრობა არ ჩქარობს უკრაინისთვის მძლავრი შეტევითი იარაღის მიწოდებას. ირჩებოდა იმისთვის, რომ რუსეთის ეკონომიკა ჩამოიშალოს. რუსეთზე უფრო ძლიერმა ქვეყნებმა რახანია უარი თქვეს უარყოფით: აშშ-მა ვიეტნამის ომში განიცადა კრახი, საბჭოთა კავშირი ავღანეთში დამარცხდა, მანამდე ბრიტანეთმა დათმო კოლონიები. ყველა იმპერია დაიშალა, დარჩა მხოლოდ რუსეთი, რომელიც, ანალიტიკოსთა თქმით, წინამორბედებს ბედს გაიზიარებს. ასე რომ, თუ რუსეთი უკრაინაში დამარცხდა (ომის დინამიკა ამაზე მიუთითებს), ეს მნიშვნელოვანად დააჩქარებს საქართველოსა და მოლდოვის ოკუპირებული ტერიტორიების დეოკუპაციას, რაც პუტინის იმპერიული ზრახვების დასასრული იქნება.

**უხსოვთი**  
გაზის ფასების შემცირება იმედს იძლევა, რომ ევროპა და გერმანია რეცესიის მართვასა და შემცირებასაც კი შეძლებენ, განაცხადა გერმანიის ეკონომიკის მინისტრმა რობერტ შაბეკმა. როგორც მან დაავსო მსოფლიო ეკონომიკურ ფორუმზე გამართულ პანელურ შეხვედრაზე აღნიშნა, საჭიროა უფრო მნიშვნელოვანი ინფრასტრუქტურის ჩამოყალიბება მდგრადი ეკონომიკის შესაქმნელად.

რუსეთის პრეზიდენტმა ვლადიმერ პუტინმა სახელმწიფო სათათბიროს წარუდგინა კანონპროექტი რუსეთის მიმართ ევროპის საბჭოს საერთაშორისო ხელშეკრულებების შეწყვეტის შესახებ. დოკუმენტი დუმის ელექტრონულ მონაცემთა ბაზაში გამოქვეყნდა. საქმე ეხება ევროპის საბჭოს ქარტიას, ევროპის საბჭოს პრივილეგიებისა და იმუნიტეტების შესახებ გენერალურ შეთანხმებას და მის ხუთ ოქმს, ადამიანის უფლებათა და ძირითად თავისუფლებათა დაცვის კონვენციას და მის ათ ოქმს, ტერორიზმის აღკვეთის ევროპულ კონვენციას, ადგილობრივი თვითმმართველობის ევროპულ ქარტიას და ევროპის სოციალურ ქარტიას.

სომხეთიდან მთიანი ყარაბაღისკენ მიმავალი ერთადერთი გაზსადენი გადაკეტა. ამის შესახებ „ეხო კავკასია“ წერს. ყარაბაღის ე. წ. მთავრობის ინფორმაციით, სახელმწიფო მინისტრმა ინფრასტრუქტურის დარგის წარმომადგენლებს დაავალა მიიღონ ზომები ამ ობიექტების ფუნქციონირებისა და მოსახლეობის მინიმალური საჭიროებების ალტერნატიული გზებით უზრუნველსაყოფად. უკვე ერთი კვირაა ყარაბაღს ელექტროენერჯია სომხეთიდანაც არ მიეწოდება. აზერბაიჯანის მიერ კონტროლირებად ტერიტორიაზე დაზიანებულია სომხეთიდან შემოსული ერთადერთი მაგალითი ძაბვის ელექტროგადამცემი ხაზი.

26 იანვრიდან ევრაზიული ეკონომიკური კავშირის ქვეყნების მოქალაქეები (რუსეთი, ბელარუსი, სომხეთი და ყირგიზეთი) ყაზახეთში 180-დღიანი დარჩენის დაშვებული პერიოდის შემდეგ იძულებულნი იქნებიან, ქვეყანა 90 დღით დატოვონ. განცხადებას ამის შესახებ ყაზახეთის მთავრობა ავრცელებს. დარღვევის შემთხვევაში უცხო ქვეყნის მოქალაქეს შემდეგ ჯერზე ქვეყანაში არ შეუშვებენ. აღნიშნული შეზღუდვა არ ეხება მათ, ვინც დროებითი ბინადრობის უფლება გაიფორმა.

2022 წლის ბოლოს ინდოეთის მოსახლეობამ 1,417 მილიარდი შეადგინა, რაც ჩინეთის მოსახლეობას 5 მილიონით აღემატება. ამის შესახებ გამოცემა „ბლუმბერგი“ წერს. გამოცემის ინფორმაციით, ინდოეთის მოსახლეობის ნახევარი 30 წლამდე ასაკისაა. 17 იანვარს ჩინეთის ხელისუფლებამ განაცხადა, რომ 1960-იანი წლების შემდეგ პირველად ჩინეთის მოსახლეობა, წინა წელთან შედარებით, 850 ათასი ადამიანი შემცირდა. ჩინეთის სტატისტიკის სამსახურის ცნობით, ქვეყანაში 1,411 მილიარდი ადამიანი ცხოვრობს.



# კოოპერაცია გადაწყვეტს მნიშვნელოვან იქნის

**ომარ შამილიშვილი 22 წელი იყო აჭარაკოოპკავშირის თავმჯდომარის მოადგილე. იმ ორგანიზაციის, რომელსაც ქვეყნის ბიუჯეტისთვის საკმაოდ დიდი თანხა, ხოლო ამ სისტემაში გაერთიანებული მოსახლეობისთვის მნიშვნელოვანი შემოსავალი მოჰქონდა**



ბატონი ომარი კოოპერაციის სისტემის მოსპობას საქართველოში დიდ შეცდომად თვლის და მიანიშნა, რომ მოსახლეობისგან მოწყვეტილი პროდუქციის ჩაბარება-დაშვება რეალიზაციით დიდ და სასარგებლო საქმეს აკეთებდნენ ქვეყნისთვისაც და გლეხებისთვისაც, რომლებსაც მიწაზე მუშაობა არ ეზარებოდათ. დღეს ძალიან მწვედვად დგას სოფლის მეურნეობის პროდუქციის მოწვევა-რეალიზაციის საკითხი, რომელზეც მნიშვნელოვანად დამოკიდებული სოფლად მცხოვრები, მიწათმოქმედებითა და მეცხოველეობით დაკავებული ადამიანების კეთილდღეობა. წერილში, რომელიც ორი თვის წინ სწორედ ომარ შამილიშვილის ავტორობით გამოვაქვეყნეთ, საუბარია მოსახლეობისგან ციტრუსის მოსავლის შესყიდვა-რეალიზაციის სისტემის გაუქმების შესახებ და აქედან გამომდინარე, სიძნელეებზე, რაც მეციტრუსეებს გვარიადა აზარალებდა, რადგან მათ მიერ მოწვეული პროდუქციის თვითღირებულება სარეალიზაციო ფასზე ბევრად მეტია. ერთი სისტემის გაუქმებას, თუ ეს აუცილებელია ქვეყნის წინსვლისთვის, უნდა მოხდეს მისი, უფრო ქმედითულობისა და პროგრესის დანერგვა, სხვა შემთხვევაში აწურობილი სისტემის განადგურება მხოლოდ ხიანის მომტანია როგორც სახელმწიფოსთვის, ისე უბრალო მოქალაქისთვის. დღეს სწორედ კოოპერაციის სისტემის განადგურების უარყოფით შედეგებზე ვსაუბრობთ ბატონ ომარს და ვეცდებით, ქვეყნისთვის სასიკეთო, სწორი გზა ერთად დავიხსნათ.

**- მაინც რა სიკეთები მოჰქონდა კოოპერაციის სისტემას ქვეყნის ეკონომიკისთვის და რატომ გააუქმეს იგი?**

- დღესაც არსებობს მსოფლიო კოოპერაციის სისტემა, კოოპერაციის ალიანსი, სადაც თავის დროზე ცეკავშირს (საქართველოს სამომხმარებლო საზოგადოება) თავისი გარკვეული ადგილი ჰქონდა. იგი ნამდვილად იყო ამ ალიანსის მოწინავე ორგანიზაცია. ცეკავშირის 1924 წელს შეიქმნა თბილისში, აჭარაში - 1933 წელს და სახელმწიფოში პატარა სახელმწიფოს სახით ლამის საუკუნე იარსებდა. ჩვენი საკუთრება გვქონდა, სახელმწიფოს იქით ვხმარებოდით, ვურიცხავდით გარკვეულ თანხებს. წელიწადში მარტო დამზადებდნენ რამდენიმე მილიონი ლარი შედიოდა ჩვენგან ბიუჯეტში. გარდა ამისა, კოოპერატორებს ჰქონდათ თავიანთი საპაიო თანხები ჩაბარებული აჭარაკოოპკავშირზე. სულ 30 000 მებაიე ჰყავდა აჭარაკოოპკავშირს. ამდენივეს გააჩნდა კერძო საკუთრება. ყოველი თვის ბოლოს იღებდნენ აქედან თავიანთ პროცენტებს - დივიდენდებს. მთელ საქართველოში მილიონზე მეტი იქნებოდა ასეთი.

**- ეს იმ უზრუნველყოფილი მოსახლეობის ნაწილი იყო, რომელიც ასე აკლბდა დღეს ქვეყანას...**

- ხუთ რაიონს (ახლა რომ მუნიციპალიტეტები ჰქვია) ემსახურებოდა აჭარაკოოპკავშირი. მოსახლეობისგან პროდუქციას ვყიდულობდით და რეალიზაციას ვუკეთებდით. ცეკავშირს, რომელიც მსოფლიო კოოპერაციის ალიანსის მოწინავე წევრი იყო 19-მილიარდიანი ქონება გააჩნდა. მისი გაუქმება დიდ გაუგებრობა და შეცდომა იყო სახელმწიფოს მხრიდან. 2007 წელს მთავრობამ იმ პირობით გაუქმა ეს სისტემა, რომ უკეთ მოუვლიდა მის ქონებასაც და იქ დასაქმებულ ხალხსაც იზრუნებდა, მაგრამ ეს პირობა არავინ შეასრულა. დაიშალა და განადგურდა კოოპერაციული ქონება, მასში შემავალი ორგანიზაციები, ზოგი გაყიდეს. 32 000-მა მე-

**პროდუქცია იგზავნებოდა უცხოეთში. ჩვენ გამარაგებდით ამ ორგანიზაციებს მოსახლეობისგან ჩაბარებული საქონლით. პროდუქციას რომ გაგყიდდით, მოგების პროცენტი მიდიოდა სახელმწიფო ხაზინაში. მოსახლეობასაც ჰქონდა შემოსავალი. ამის გაკეთება ახლაც შეიძლება, თუ...**

პაემ ხელის ერთი მოსმით დაკარგა ქონება და შემოსავალი, დაზარალდა, ანუ უმუშევარი დარჩა 3 000 სპეციალისტი, რომლებიც ამ სისტემაში სხვადასხვა პოზიციებზე გვყავდა დასაქმებული. დაზარალებულთა შორის ასევე აღმოჩნდნენ სეზონურად და დროებით მომუშავე ადამიანები (დაახლოებით -12-15 ათასი). გარდა ამისა, ზარალი მიადგათ იმათ, რომლებსაც დიდი ოდენობით ფული ჰქონდათ ჩვენთან შემოტანილი. ბანკში არ ინახავდნენ, ჩვენთან - კი, რადგან დიდ პროცენტსაც ვაძლევდით და დამატებით - იმპორტულ საქონელსაც. რა თქმა უნდა, დაეკარგათ ეს ფულიც.

**- ვინ მისაჯურა ეს ფული?**

- აი, რა მოხდა: ფორმაცია რომ შეიცვალა და საბაზრო ეკონომიკა შემოვიდა, ჩვენ დაგვეწერა პლუსი და ეს ძალიან გვაზარებდა. საბაზრო ეკონომიკა ზუსტად ჩვენს სტრუქტურას შეესაბამებოდა. აუარეს საქონელი გვქონდა იმ დროს, ფულიც, მაგრამ ერთ დღეს ჩვენი თამგდომარე ჩამოვიდა და მიიხრა, ცუდადაა საქმე, კოოპერაციას აუქმებენო. გამივივრა, ეს ხომ კერძო საკუთრება იყო, ხალხის ქონება. ასე თქვას, რომ სახელმწიფო უკეთესად მოუვლის თქვენს ქონებასო. ცოტა ხანში რაც გვქონდა, ყველაფერი წაიღო სახელმწიფომ. ბოლოს საარსებოდ აღარაფერი დავგრჩა. ვთხოვეთ, დაგვეხმარეთ, მოგვეცით სესხი, ჩვენ ხომ დავგებმარეთ და მოგვეცით ჩვენი საკუთრება, ახლა თქვენ დაგვეხმარეთ და მოგვეცით სესხი, რომ ამდენი ხალხი უმუშევარი არ დარჩეს. არცერთმა ფორმაციამ ფული არ გვასესხა. თურმე ჩაფიქრებული იყო კოოპერაციის გაუქმება და მართლაც, გაუქმდა - ერთ მილიონამდე საქართველოს მოქალაქე ერთ დღეში დარჩა უმუშევარი. მიხეილ სააკაშვილმა, რომელიც მანამდე გვპირდებოდა, რომ ჩვენზე უკეთ ამუშავებდა კოოპერაციაში შემავალ ორგანიზაციებს, ყველა რაიონში დახურა ჩვენი ობიექტები - სასკვების, დამზადების, წარმოების, უნივერსიტეტები... ეს ხალხი გამოყარა ქუჩაში.

**- ცხადია, გარდა იმ ხალხისა, რომლებიც დასაქმებულნი იყვნენ თქვენთან, დაზარალებდნენ გლეხებიც, რომლებიც სარეალიზაციოდ აბარებდნენ თავიანთ პროდუქციას კოოპერაციულ ორგანიზაციებს.**

- რა თქმა უნდა, ისინი ჩვენგან სანაცვლოდ ანაზღაურებას იღებდნენ. ყველაფერი რომ მოაკლდათ, ამიტომ დატოვეს მასობრივად საქართველო. „ნაციონალიზმმა“ ყველა ჩვენი ობიექტი წაიღეს. რაც უნდა დოდათ, დაიტოვეს, რაც არა - გაყიდეს. ჩვენი ქონება მთლიანად განადგურდა. გაუქმდა ბათუმის ორი ციტრუსკომბინატი, ციტრუსის შემფუთავი 12 თანამედროვე პავილიონი, რომლებიც დღე-ღამეში 70-80 ტონა ციტრუსს ახარისხებდა. ამ საწარმოების უმადლესი ხარისხის დანადგარები თურქეთში გაიყიდა, ხოლო შენობები დაიშალა. 40-ზე

მეტი დამზადების პუნქტი დაიხურა სოფლებში. გლეხები, ვერმერები მარტონი დარჩნენ ციტრუსის რეალიზაციის პრობლემასთან, შემოსავალი დაკარგეს და არსებობისთვის საბრძოლველად უცხოეთს მიაშურეს. დღევანდელ ხელისუფლებას ევალეზა წინა ხელისუფლების საშინელი შეცდომის გამოსწორება, თუმცა გვესმის, რომ ურთულესია 98 წლის ნაშენი კოოპერაციის აღდგენა. მოსახლეობას საარსებო წყარო სჭირდება. აუცილებლად უნდა აშენდეს ციტრუსკომბინატი, რომელიც მიიღებს და გადამამუშავებს აჭარაში მოყვანილ ციტრუსს, მოსახლეობას გადაარჩენს მონური შრომისგან და შემატებს

ენძს და სხვა. ეს მოსახლეობის ეკონომიკურად გაძლიერებას შეუწყობს ხელს. ციტრუსკომბინატის გახსნაც, სადაც მოსახლეობა ყოველგვარ ხილს ჩააბარებს, საგრძნობლად გაზრდის მოსახლეობის შემოსავალს. ვფიქრობ, ამაზე ჩვენმა ხელისუფლებამ აუცილებლად უნდა იზრუნოს. ხეილის ბაზარში ჩატანა, შენახვა, გაყიდვა მნიშვნელოვან ჩარებთანაა დაკავშირებული. თანაც დახლთან დგომას პროდუქციის რეალიზაციისთვის დიდი დრო სჭირდება. ჩამოტანილი ხილი ხშირად ვეღარ ფარავს გაწეულ ხარჯებს, ამიტომ გლეხს ეკარგება შემოსავალი. აღარ ყიდის თავის მოყვანილ ხილს. თუ ციტრუსკომბინატი ვერ აშენდება, შეიძლება სოფლის მეურნეობის პროდუქციის დამზადება-რეალიზაციის ბაზის გახსნა, რომელიც მიიღებს და გადამამუშავებს ყველა სახის ხეხილს. დაამზადებს ხილის ნატურალურ წვენებს, მურაბებს, კომპოტებს, კონსერვებს, ლიმონას. გარდა ამისა, მოსახლეობა აითვისებს ტყის მცენარეების ნაყოფსაც: წყავს, მოცვს, მაყვალს, წაბლს და სხვა, რომელთაგან ბევრი სახეობის სასარგებლო და მოთხოვნადი პროდუქციის (სპირტი, ჩირი, კომპოტი, მურაბა...) მომზადება შეიძლება. საქართველოში ხელოვნური და გავრცელებული ხილისგან ერთ-ერთი საუკეთესოა კივი (აქტინიდა). რამდენადაც ვიცი, იგი სწორედ ცეკავშირის გამგეობის თავმჯდომარე რენან კონცეცილიმ შემოიტანა, რათა მთელ საქართველოში გაეცრელებინა. მისი უშუალო ხელმძღვანელობით კივის ნერგები ქობულეთის სანერგე მეურნეობაში შემოიტანეს და მოსახლეობამ შეიძინა, თუმცა ჭერ არ იცოდა მისი დარგვა და მოვლა-პატრონობა. ამ საკითხში გლეხების გაცნობიერება ბიოლოგიის მეცნიერებათა დოქტორმა, საქართველოს ეკოლოგიურ მეცნიერებათა აკადემიის აკადემიკოსმა, პროფესორმა ვანო პაპუნძემ ითავა. მან შეისწავლა კივის კულტურის შესახებ ყველაფერი და 1998 წელს გამოსცა წიგნი, რომელსაც ასეც ჰქვია - „კივი-აქტინიდა“.

მოსახლეობამ შეიძინა ეს წიგნი და მართლაც, მასობრივად მიჰყვეს ხეილის მოშენება-გამრავლებას. იგი მის მოშენება-გამრავლებას ნაყოფის მოცემას 4-5 წელიწადში იწყებს, 7-8 წელში სრულად მსხმოიარე ხდება, ხოლო 9 წლისა მაქსიმალურად დიდ მოსავალს იძლევა. იგი სხვადასხვა ქვეყანაში განსხვავებულ დროს უნდა მოიკრიფოს. მაგალითად, ავსტრიასა და ზელანდიაში მისი-ივნისში, იტალიაში - ოქტომბერ-ნოემბერში, საფრანგეთსა და კალიფორნიაში - ნოემბერში, საქართველოში - ოქტომბერ-ნოემბერში. ოთახის ტემპერატურაზე ეს ნაყოფი 2 თვეს ინახება, ოღონდ არ უნდა მოთავსდეს პოლიეთილენის პარკებში, უნდა შეენახოს მუყაოს ან ხის ყუთებში. იქ, სადაც კივი ინახება, არ შეიძლება სხვა ხილის შენახვაც. უნდა მოიკრიფოს მშრალ და გრილ ამინდში. მოკრეფილი კივის ნაყოფს შევუთვალო დაუშვებელია. იგი დიდი რაოდენობით შეიცავს ვიტამინ C-ს, არის ძალიან ტკბილი (თუმცა შაქარი უმეტესად გლეხობისა და ფრუქტოზის სახითაა) და გამოირჩევა სურნელით. მას ფართოდ იყენებენ კულინარიაში, მისგან მრავალი სახეობის საკონდიტრო ნაწარმი მზადდება, ასევე - ლიქიორი, ღვინო, კონცენტრატები სხვადასხვა სასმელებისთვის. აქვს სამკურნალო, მათ შორის ონკოლოგიური დაავადებების პროფილაქტიკის, თვისებები. ამდენს ამ კულტურის შესახებ იმითაც ვლამარაკობ, რომ მოსახლეობამ შეიტყობს მისი სარგე-

**- აღრე ამას ცეკავშირი აკეთებდა - მოსახლეობისგან არა მარტო სამკურნალო მცენარეებს, სხვადასხვა პროდუქციას იბარებდა და სახლგარეშე ჰყიდდა...**

- დიახ, 90 დასახელების საქონელს ვყიდდით უცხოეთში. პირველი რიგში, ეს იყო საკონსერვო ქარხნებში დამზადებული პროდუქცია. დამზადების ორი ვებერთელა ორგანიზაცია გვქონდა აჭარაკოოპკავშირში - ორი ციტრუსკომბინატი. მარტო ამათგან 26 დასახელების (მურაბები, ჯემები, კომპოტები...) პროდუქცია იგზავნებოდა უცხოეთში. ჩვენ გამარაგებდით ამ ორგანიზაციებს მოსახლეობისგან ჩაბარებული საქონლით. პროდუქციას რომ გაგყიდდით, მოგების პროცენტი მიდიოდა სახელმწიფო ხაზინაში. მოსახლეობასაც ჰქონდა შემოსავალი. ამის გაკეთება ახლაც შეიძლება, თუ, როგორც ზემოთ ვთქვეთ, სახელმწიფო გამოიჩინებს კეთილ ნებას. ვფიქრობ, საქმეს ისიც წაადგება, თუ აჭარის სოფლის მეურნეობის სამინისტროში შეიქმნება სოფლის მეურნეობის პროდუქტების დამზადების, შესყიდვისა და რეალიზაციის სამმართველო, რომელიც მოსახლეობას დაეხმარება. მისგან შეისყიდის ნამეტ პროდუქციას პირდაპირ მათი საცხოვრებელი ადგილებიდან. შეიძინს ხორცს, ქათამს, კვერცხს, კარაქს, ყველს, მჭადის ფქვილს, ბოსტნეულს, მწვანე და ასე შემდეგ, ასევე მეორე დამამუშავებელი: ძვალს, ჩირს, ბუმბუქს, რკინას, ალუმინს, სპილ-

ბლიანობის შესახებ და მოაშენოს, თუმცა უბედურება ისაა, რომ ამ ხილის რეალიზაცია პრობლემია. აქვს ისევ და ისევ უნდა ვთქვათ, რომ აუცილებელია აჭარის სოფლის მეურნეობის სამინისტროს ძალისხმევა, რათა აშენდეს ციტრუსკომბინატი ან სოფლის მეურნეობის პროდუქტების მიღება-რეალიზაციის ბაზა. ანალოგიური პრობლემა თამბაქოს რეალიზაციასთან დაკავშირებითაც. მოსახლეობა ვერ ყიდის მოწეულ თამბაქოს მთელი წლის განმავლობაში, ბაზარში გატანის მიუხედავად. წინა ხელისუფლებამ დაანერგა კოოპერაცია, რითაც, პირველ რიგში, მოსახლეობა, საბოლოოდ კი მთელი ქვეყანა დაზარალდა.

მართლაც, გასაგებია ომარ შამილიშვილის გულისტკივილი, რადგან საბჭოთა კავშირის ეპოქაში შექმნილი კოოპერაციის სისტემაში ჩამოყალიბებული იყო მყარი მატერიალურ-ტექნიკური ბაზა, კულტურულ-საგანმანათლებლო დაწესებულებათა, კოოპერატიული ინსტიტუტების და ტექნიკუმების ფართო ქსელი. ცეკავშირის სისტემა საქართველოში მთლიანად ემსახურებოდა სოფლის მოსახლეობას, როგორც ვაჭრობის, ასევე სოფლის მეურნეობის პროდუქციის დამზადება-გადამამუშავების დარგით. სამწუხაროდ, ჩვენს ქვეყანაში ეკონომიკური რეფორმები იწყებოდა კოოპერატივების ნგრევით. ჭერ კოოპერატივების კუთვნილების ნაციონალიზაცია მოხდა, შემდეგ კი პრივატიზება, თუმცა ბოლო დროს კოოპერაციის აღდგენისკენ მნიშვნელოვანი ნაბიჯები გადაიდგა, გამოვიდა კანონი კოოპერაციის შესახებ, შეიქმნა სასოფლო-სამეურნეო კოოპერატივების განვითარების სააგენტო, რომლის მიზანია სასოფლო-სამეურნეო კოოპერატივის ხელშეწყობის მიზნები იმ კოოპერატივებისთვის, რომლებიც ჩართულია სასოფლო-სამეურნეო საქმიანობაში, ასევე, მისი ფუნქციაა მათთან მუშაობა, რათა დაიხვეწოს კოოპერატივების დამარეგულირებელი დოკუმენტაცია. კანონი იძლევა მხოლოდ და მხოლოდ ნებაყოფლობით გაერთიანების შესაძლებლობას, სახელმწიფო კი მხოლოდ მოდელს და შესაძლებლობას ქმნის, ეწევა პროცესის წახალისებას. უნდა ითქვას ისიც, რომ სასოფლო-სამეურნეო კოოპერაცია განვითარებულია ყველა წარმატებულ ქვეყანაში. ვფიქრობ, ბატონი ომარის შეხედულებაში, რომ კოოპერაციის სისტემის აღდგენა-გაძლიერება სოფლად მცხოვრებ მოსახლეობას ეკონომიკურად წელში გამართავს, რაც მთელი ქვეყნის ეკონომიკაც მოახდენს დადებით გავლენას, არის რაციონალური მარცვალი. საქართველოში ეკონომიკური მდგომარეობის გაუმჯობესების, სოფლის მეურნეობის განვითარებისა და სოფლად დასაქმების პრობლემების გადასაჭრელად კოოპერაცია, მართლაც, გადამწყვეტ მნიშვნელობას იძენს. ამ ყველაფრის მიუხედავად, კოოპერაცია სოფლად რთულად იკიდება ფეხს, რისი მიზეზიც, შესაძლოა ისიცაა, რომ ხალხს მესხობაში ჩარჩენილია ადრინდელი კოოპერაციის ცუდი შედეგები. ისინი შიშობენ, რომ გაერთიანების შემდეგ მათ ქონებას ისევ სხვა დაეპატრონება. საქითა სოფლად მცხოვრებ ადამიანებამდე კოოპერაციის იდეის სწორად მიტანა. აუცილებელია მათთვის ახალი, რეალური შეთავაზებები, ახალი ბაზრები, რაც იქნება კოოპერატივების ახალი ბენეფიტი. ნათელია, რომ ახალი, აღმოსავლეთ ევროპის ბაზრების გაჩენა, საქართველოს ამ ეტაპზე უჭირს განვითარება, რასაც, ომარ შამილიშვილის თქმისა არ იყოს, მართლაც სახელმწიფოს კეთილი ნება სჭირდება. ჩვენ ვეცდებით ამ თემაზე მსჯელობას პერიოდულად გავაგრძელოთ და უფრო სიღრმისეულად განვიხილოთ ამ საკითხში უფრო კომპეტენტურ ადამიანებთან ერთად.

# სად ვუშვებთ შეხვედრებს უფროსები „ბარდატეხის ასაკში“ გყოფ მოზარდებთან ურთიერთობისას?

ნანა აბულაძე 577 20 35 90

ბავშვობიდან ზრდასრულობაში გარდა-  
მავალი ასაკის თავისებურებები ის თემა,  
რომელიც მუდმივად საჭიროებს განხილვას,  
საზოგადოებისთვის სწორი ინფორმაციის მი-  
წოდებას, განსაკუთრებით კი ერთგვარ რეკო-  
მენდაციებს მშობლებისთვის, მასწავლებლებ-  
სთვის. როგორ მივუდგეთ ე. წ. გარდატეხ-  
ის პერიოდში მყოფ მოზარდს, რომლის ტვინ-  
შიც და სხეულშიც არაერთგვაროვანი ცვლი-  
ლებები მიმდინარეობს, რა ასაკიდან იწყება  
მათ უფროსების მიერ დაკანონებულად შე-  
რქმეული „რთული პერიოდი“, რომელიც,  
ალბათ, უფრო ბავშვის განვითარების ერთ-  
ერთი ეტაპია, და რა გარემოებები იწვევს  
მათში მემობილიზაციას - ამაზე გვესაუბრება  
კლინიკური ფსიქოლოგი **ნანა აბულაძე**.

**- როგორ და რა მიდგომებით უნდა მოვახ-  
ერხეთ გარდატეხის ასაკთან დაკავშირებულ  
პრობლემების შედარებით ცივილურად  
მოგვარება?**

- ეს თემა, დღესდღეობით, ერთ-ერთი აქ-  
ტუალური და საკმაოდ პრობლემურია. გარ-  
დატეხის პერიოდში მოზარდის ფიზიკურ  
ცვლილებებთან ერთად, მიმდინარეობს ჰორ-  
მონალური ცვლილებებიც, ეს ის პერიოდია,  
როდესაც მოსწავლეს უწევს ბრძოლა სოცი-  
ალური აღიარებისთვის, უყალიბდება მე-  
ნციფიცია, ეცვლება შეხედულებები, გემო-  
ვნება, დამოკიდებულებები, ბავშვობიდან გა-  
დადიან ზრდასრულობაში. ეს ყველაფერი გა-  
ნაპირობებს ოჯახსა თუ სკოლაში მოზარდის  
ქცევის ცვლილებას. იმისათვის, რომ გარდა-  
ტეხის ასაკთან დაკავშირებული სირთულე-  
ების პრევენცია შევძლოთ, აუცილებელია  
ცნობიერების ამაღლებაზე ზრუნვა არა მარ-  
ტო სკოლაში, არამედ სახლშიც. სწორედ ამ  
დროს სჭირდება მოზარდს გვერდით დგომა,  
გზის ჩვენება, დახმარება, აუცილებელია,  
რომ მშობლებს ემოციური კავშირი ჰქონდეთ  
შვილებთან, ხშირად ისაუბრონ მათთან, გა-  
უზიარონ თავიანთი გამოცდილება და ემო-  
ციები. მოზარდს უნდა ჰქონდეს საკუთარი  
თავის გამოხატვის შესაძლებლობა, არ უნდა  
იზღუდებოდეს გარემომცხოვრებულთან. მშო-  
ბელმა და მასწავლებელმა უნდა იზრუნონ  
შვილისა თუ მოსწავლის ადეკვატური თვით-  
შეფასებისა და ზოგადად, პოზიტიური მე-  
კონცეფციის ჩამოყალიბებაზე. მნიშვნელო-  
ვანია, რომ მოზარდი იყოს ისეთ გარემოში,  
სადაც თავის პოტენციალს იპოვის და განავ-  
ითარებს. ყოველივე ზემოთქმული მეტწი-  
ლად უზრუნველყოფს გარდატეხის ასაკის  
თავისებურებების პოზიტიურ განვითარებას,  
აქცენტი გაეთქვამება დადებით მხარეზე, რაც  
განაპირობებს მეტ კარგ შედეგს.

**- ხშირად არსებულ პრობლემას მშობლები  
არასწორად უდგებიან, იწყება ერთგვარი  
გაუცხოება, არ ხერხდება სრულყოფილი დი-  
ალოგი, რაც ხშირ შემთხვევაში იწვევს აგრე-  
სიას. რა რეკომენდაციას მისცემთ მშობლებს?**

- თაობათა შორის დაპირისპირება მარა-  
დიული პრობლემაა, მოზარდი ინტერესის  
სიმძაფრით, ზრდასრული კი შეცდომის დაშ-  
ვების შიშით, გარკვეულ თემებთან დაკავ-  
შირებით, ეჭვიდებიან ერთმანეთს. მუდამ არ-  
ის განსხვავებული შეხედულებები და ორი  
შესაძლო „სწორი“ არჩევანი, ზრდასრულმა  
განიცადა რაღაც და არ უნდა მოზარდმაც იგ-  
ივე განიცადოს, მოზარდს კი უნდა იგემოს  
თავისი არჩევანი, რაც თითქმის აკრძალული  
ხილივითაა მისთვის... სხვადასხვა ეპოქის  
შვილებთან მიდგომებიც და შეხედულებე-  
ბიც განსხვავებულია, რაც, ბუნებრივია, თუ-  
მცა ფაქტია, ადამიანებმა ასაკის, მრწამსისა  
თუ დამოკიდებულებების მიუხედავად, უნდა  
ვისწავლოთ სხვისი განსხვავებული აზრის,  
შეხედულებების, დამოკიდებულებების პა-  
ტივისცემა. მნიშვნელოვანია, რომ რაციო-  
ნალურად მივუდგეთ ამა თუ იმ საკითხსა თუ  
ქმედებას, დავმშვიდდეთ და შევძლოთ ვისაუ-  
ბროთ ზედმეტი ემოციების და აგრესიის  
გარეშე. არის შემთხვევები, როდესაც მოზარ-  
დი უშვებს შეცდომას, რომელიც ზრდას-  
რულებისთვის შესაძლოა ზედმეტად ალო-  
გიური იყოს. ამის გამოც გამოხატავენ უკ-  
მაყოფილებას, აგრესიას (განიკითხავენ და  
ენახებებიან მოზარდს), გარკვეულწილად ის-  
ეთ რეაქციას ავლენენ, რაც განაპირობებს  
მოზარდის თავმოყვარობის შელაგებას, ბრა-  
ზს, შესაბამისად, ეს მიდგომა უფრო მეტად  
ართულებს მოზარდთან კომუნიკაციას, იწვე-  
ვს გაუცხოებას და ქმნის ბარიერს თაობათა  
შორის. ამ დროს მოზარდს სჭირდება ადამი-  
ანი, ვინც კი არ განიკითხავს, არამედ მეგობ-



მათთვის ავტორიტეტი არა მშობლები, არა-  
მედ პოპულარული თანატოლები არიან, მე-  
ტად ეწინააღმდეგებიან მშობლებს, რომლებ-  
იც ამას ვერ ეგუებიან, რაც ამაფრებს მდ-  
გომარეობას. ფაქტობრივად, მოზარდს სო-  
ციალური აღიარებისთვის ბრძოლა უწევს  
არა მარტო სკოლასა თუ „უბოში“, არამედ  
საკუთარ სახლშიც კი. სადავოა მოსაზრება,  
იწვევს თუ არა აგრესიას სიძულვილისა და  
ძალადობის შემცველი ფილმები, თუმცა ფაქ-  
ტია, რომ იგი, გარკვეულწილად, პროექციის  
საშუალებას აძლევს მოზარდს და, ამასთა-  
ნავე, ზრდის აპათიისა და აგრესიის გამოვლენ-  
ის რისკებს, ისევე, როგორც კომპიუტერულ  
თამაშებში. გარდა იმისა, რომ მოზარდი  
განიცდის ჰორმონალურ ცვლილებებს, იცვ-  
ლება ფიზიკურად, უჩნდება კომპლექსები.  
ზემოთქმულთა ერთობლიობა გავლენას ახ-  
დენს თვითშეფასებაზე, რაც მოზარდს მეტად  
მოწყვლადს ხდის ბრაზისა და აგრესიის მი-  
მართ.

**- მოზარდების გაჩეხვებზე დამოკიდე-  
ბულება, კომპიუტერული თამაშები კიდევ  
ერთი თავსატეხია მშობლებისათვის. ამ დრ-**

## || გაჯეტებზე დამოკიდებულება ნამდვილად დიდი თავსატეხია. 21-ე საუკუნე ტექნოლო- გიების ერაა, რაც ართულებს გაჯეტებიდან მოზარდების ყურადღების სხვა რამეზე გა- დართვას, თუმცა გამოსავალი ყოველთვის არსებობს. იმისათვის, რომ გაჯეტებზე დამო- კიდებულება შემცირდეს, დროის მენეჯმენტი საჭირო. მოზარდს უნდა ჰქონდეს შემუშა- ვებული დღის განრიგი, კვების რეჟიმი, აუცილებელია, სახლში მოქმედებდეს წესები, იყოს ერთობლივი აქტივობები

რულად მიუდგება, ეტყვის, რა იყო არასწო-  
რი და სწორი ალტერნატივასაც უჩვენებს,  
მოზარდს აგრძნობინებს, რომ ნებისმიერ შემ-  
თხვევაში უპირობოდ უყვარს და მის გვერ-  
დით არის. მნიშვნელოვანია, რომ მშობლებმა  
შვილები დამოუკიდებელ პიროვნებებად მი-  
იღონ, გაიზარონ, რომ შვილის პასუხისმგე-  
ბლობა მათი პასუხისმგებლობა არაა, რომ თუ  
შვილი „არასწორად“ მოქცევა, ეს მათი „სი-  
რცხვილი“ არ არის, რომ შვილებსაც აქვთ  
ცდის და შეცდომის დაშვების უფლება და პა-  
სუხისმგებლობის აღების ვალდებულება. მო-  
ზარდთან, როგორც თანასწორთან, ისე უნდა  
ვისაუბროთ, ამ დროს ისინი მეტად იხსენიან  
და გამოხატავენ მზაობას ინფორმაციის გაცე-  
ლისთვის. ყველას გვაქვს სასურველი ქცევის  
მოდელი. მშობლები, ძირითადად, ამ მოდელ-  
იდან გამომდინარე ესაუბრებიან შვილებს,  
მნიშვნელოვანია, სასურველი ქცევის მოდ-  
ელი და სტანდარტები გვერდით გადავდოთ,  
რთულ სიტუაციებში მოზარდთან საკუთარი  
გამოცდილებით ვისაუბროთ, მოვიყვანოთ მა-  
გალითები იმის დასტურად, რასაც ვამბობთ.  
არ შეგვრცხვებს შეცდომის აღიარება, პირ-  
ველი ნაბიჯის გადადგმა და თუნდაც სხვა  
ნებისმიერი ქმედება, რომელიც გააღრმავებს  
შვილთან კომუნიკაციას.

**- ინდივიდუალიზმის, საკუთარი იდენ-  
ტიტის ძიების პროცესში მოზარდები ხშირ-  
ად აგრესიულად ხდებიან, ვერ ახდენენ რე-  
ალურ მოცემულობაზე სწორ რეაგირებას -  
თითქმის იკარგებიან დროსა და სივრცეში. რა  
გარემოებები ახდენს ამ დროს მათზე ზე-  
გავლენას?**

- მოზარდზე გავლენას ახდენს გარე-  
მობა ახდენს, ეს საკმაოდ რთული და ხანგრ-  
ძლივი პროცესია, რომელშიც მრავალი ფაქ-  
ტორი იყრის თავს. მნიშვნელოვანია ღრმა  
ბავშვობიდან დაწყებული აღზრდის სტილი,  
ურთიერთობები და გარემო პირობები, აგ-  
რეთვე, მედიის გავლენა - ნეგატიური ინფორ-  
მაციები, რომლებსაც მოზარდები იღებენ სხ-  
ვადასხვა ტელევიზიისა თუ სოციალური  
ქსელის საშუალებით ამაფრებს მათ ემო-  
ციებს. ადამიანი სოციალური არსებაა, სო-  
ციალური ურთიერთობებისას კი ხშირად  
გვხვდებით არასწორი ქცევისა თუ კომუნი-  
კაციის მოდელს, რომელსაც ბავშვები მარ-  
ტივად სწავლობენ, შემდგომ თავადაც ასე  
იქცებიან. ამას ემატება საკუთარი იდენტო-  
ბის ძიების პროცესში აღმოჩენილი „ნაკლი“,  
კონკურენტული გარემო, სოციალური აღი-  
არებისა და თავის დამკვიდრების მძაფრი  
სურვილი, რომელიც განხორციელების სირ-  
თულიდან გამომდინარე, იწვევს მოზარდის  
შფოთვასა და გაღიზიანებას. იგი გრძობს  
ცვლილებებს, გაზრდას და უნდა, სხვებმაც  
დიდად ჩათვალონ, თუმცა მშობლებისთვის  
შვილი კვლავ პატარად რჩება, რაც იწვევს  
მათ პროტესტს. მოზარდები მუდმივად რაღა-  
ცას ამტკიცებენ, ცდილობენ თავიანთი აზ-  
რისა და პოზიციის დაცვას, მეტად ორიენ-  
ტირებულნი არიან სხვის აზრზე. ამ დროს

ის ისინი ნაკლებად არიან კომუნიკაციაში  
რეალურ სამყაროსთან. როგორ უნდა მოვახ-  
ერხოთ ამის კონტროლი, დოზირება?

- გაჩეხვებზე დამოკიდებულება ნამდვი-  
ლად დიდი თავსატეხია. 21-ე საუკუნე ტე-  
ქნოლოგიების ერაა, რაც ართულებს გაჩეხ-  
ვიდან მოზარდების ყურადღების სხვა რამე-  
ზე გადართვას, თუმცა გამოსავალი ყოვე-  
ლთვის არსებობს. იმისათვის, რომ გაჩეხ-  
ვებზე დამოკიდებულება შემცირდეს, დროის  
მენეჯმენტი საჭირო. მოზარდს უნდა ჰქონ-  
დეს შემუშავებული დღის განრიგი, კვების  
რეჟიმი, აუცილებელია, სახლში მოქმედე-  
ბდეს წესები, იყოს ერთობლივი აქტივობები.  
მაგალითად, ხშირია შემთხვევა, როდესაც  
მოზარდს კვების რეჟიმი არაეული აქვს, თამა-  
შობს მთელი დღე, საკვებსაც კი თამაშისას  
მიირთმევს, რასაც საკმაოდ ცუდ შედეგამდე  
მივყავართ. აუცილებელია, რომ კვებისად-  
ამიანი რამითი არ იყოს დაკავებული, მით  
უფრო - კომპიუტერული თამაშით. აუცილე-  
ბელია განისაზღვროს კომპიუტერული თამა-  
შისთვის დროის ლიმიტი, რომელიც მკაცრად  
გაკონტროლდება. მნიშვნელოვანია, ხელი  
შეუწყუთოთ მოზარდის ჯანსაღი ცხოვრების წე-  
სით დაინტერესებას, დაკავდეს სპორტით,  
ოჯახში დრო დაეთმოს საერთო აქტივობებს,  
შეკრებებს და ურთიერთობებს, რაც ხელს  
შეუწყობს კომპიუტერულ თამაშებზე დამო-  
კიდებულების შემცირებას და ნორმირებას.

**- ერთ-ერთ სკოლაში ფსიქოლოგად მუ-  
შაობთ. თქვენი აზრით, რამდენად არიან მო-  
ზარდები მზად, ისაუბრონ პრობლემებზე და  
თუ ახერხებთ მათ სრულყოფილად დახმარე-  
ბას?**

## ჰაერში მყარი ნაწილაკების მატება... ყარაყუმის უღახნოს „დამსახურება“

გარემოს ეროვნული სააგენტო განცხ-  
ადებით, 18 იანვრიდან საქართველოს ზო-  
გიერთ რაიონში, ასევე დედაქალაქში, ატ-  
მოსფერულ შარში ექიპირდება მყარი  
ნაწილაკების (PM 10, PM 2.5) მატება, რაც,  
ძირითადად, ტრანსპორტის დაბინძურ-  
ებას უკავშირდება და, დიდი ალბათობით,  
ყარაყუმის უღახნოდან მტკრის მასების  
გავრცელებითაა გამოწვეული.



სააგენტოში აღნიშნავენ, რომ პროცესის მიზეზი ზუსტდება გარემოს ეროვნული საა-  
გენტოს სინოპტიკოსების მიერ, სხვადასხვა მეტეოროლოგიურ მონაცემებზე დაყრდნო-  
ბით, რაც გარკვეულად დროს საჭიროებს.  
„აღსანიშნავია, რომ ტრანსპორტის დაბინძურება წლის განმავლობაში გარკვეულ  
დღეებში ფიქსირდება ანალოგიური სინოპტიკური სიტუაციის დროს და მეტეო-  
როლოგიური მოვლენაა. საქართველოს გარემოს დაცვისა და სოფლის მეურნეობის  
სამინისტროს სისპ „გარემოს ეროვნული სააგენტო“ აგრძელებს ატმოსფერული ჰაერის  
ხარისხის უწყვეტ მონიტორინგს ავტომატური სადგურების საშუალებით. ნებისმიერ  
დაინტერესებულ პირს შესაძლებელია აქვს გაეცნოს ინფორმაციას ჰაერის ხარისხის მდ-  
გომარეობის შესახებ და მიიღოს ჯანდაცვითი რეკომენდაციები ატმოსფერული ჰაერის  
ხარისხის პორტალზე“, - აცხადებენ სააგენტოში.

ამირან ბურიძე





# „სკოლების ოპტიმიზაციისა და კადრების შემსწავლის პროცესი შევარჩიეთ“

ოთარ ცინარიძე 599 85 21 14

საქართველოს პედაგოგთა და მეცნიერთა თავისუფალი პროფკავშირის შუახევის რაიონული ორგანიზაციის თავმჯდომარის, „საპატიო შუახეველს“, სამთავრობო ჯილდოების მფლობელს **ლევან ნატარძის** დაბადებიდან 70 წელი შეუსრულდა. იგი ჩვენი გაზეთის სტუმარია.



**- ბატონო ლევან, რა არის მთავარი, წუთისოფელში კვალი ნათელი რომ დატოვო?**

- პირველ ყოვლისა, მადლობას გიხდით, რომ გაზეთი „აქარა“ ჩემი საქმიანობით დაინტერესდა. ვიტყვოდი, რომ ყოველი ადამიანი უნდა შეეცადოს წუთისოფელში კეთილსინდისიერი შრომით, მადლის კეთების სურვილით იაროს. არ არსებობს დიდი და პატარა საქმე, ყველა ღირებულია, თუ მას გულით და სიყვარულით აკეთებ. საზოგადოება არასდროს რჩება გულგრილი პატიოსანი და მშრომელი ადამიანის მიმართ, მადლი ცოტაც რომ აკეთო, დაინახავს, თუ მას გულით აკეთებ. ჩემ მიერ განვლილი გზა შეუმჩნეველი არასოდეს დარჩენილა.

**- პედაგოგიურ სარბიელზე თქვენი გამოჩენა რამ განაპირობა?**

- პატარაობიდანვე მასწავლებელი უფლის ტოლფასად მიმაჩნდა. მას საზოგადოებაში მუდამ საპატიო ადგილი ეჭირა და მეც მასწავლებლობაზე დიდი პროფესია ქვეყნად არ მეგულებოდა. შესანიშნავი აღმზრდელი მყავდა. აწ განსვენებული ჩემი პირველი მასწავლებელი მამულ თავდგირიძე, შემდგომ შალვა ივანაძე, ნადა მიქელაძე, შადინა და დიმიტრი უსტიაშვილები, აბსალომ აბუსელიძე, ნოდარ თავდგირიძე, თამარ გოგიტიძე... ჩემი არჩევანი მეტწილად მათ განსაზღვრეს.

**- დიდხანს მასწავლებელთა მასწავლებლის, ანუ მეთოდისტის ტიტული გქონდათ...**

- ბათუმის შოთა რუსთაველის პედაგოგიური ინსტიტუტის პედაგოგიური ფაკულტეტის (ასე ერქვა მაშინ) დამთავრების შემდეგ, ჩემს მშობლიურ გორას დაწვებით სკოლაში დავიწყე გამე-მასწავლებლად მუშაობა. ჩემი საქმიანობა აჭარის განათლების სამინისტრომ შეისწავლა, მოიწონა და რამდენიმე კლასთან მუშაობის ფორმები და მეთოდები განაზოგადა. ასე აღმოჩენილი მოწინავეთა რიგებში. მაშინ „პედაგოგიური კითხვები“ ტრადიციულად ტარდებოდა. საინტერესო მოხსენებები რესპუბლიკურ და საკავშირო პედაგოგიურ კონფერენციებზე იგზავნებოდა. ეს პატივი მეც მიერა და 1977 წელს აღმათის საკავშირო პედაგოგიურ კონფერენციაში მივიღე მონაწილეობა. ამავე წელს პირველად ჩატარდა მასწავლებელთა ატესტაცია და შუახევის რაიონში სამ პედაგოგს - ოლადაურის საჯარო სკოლის ბიოლოგიის მასწავლებელ ალექსანდრე მაკარაძეს, უჩაშის საჯარო სკო-

## პროფესიულ კავშირებში საქმიანობა უფრო მეტი ინიციატივის საშუალებას იძლევა. აქ პედაგოგთა ინტერესების, მათი შრომითი და სამართლებრივი უფლებების დაცვა და პროფესიული განვითარებისათვის ზრუნვა მთავარი პრიორიტეტია. ამას კულტურულ-გამაჯანსაღებელი ღონისძიებებიც ემატება და, რომ იტყვიან, საქმე თავზე საყრელია

ლის ქიმიის მასწავლებელ თეიმურაზ ბერიძესა და მე, საქართველოს განათლების მინისტრ ოთარ ქინქლაძის ბრძანებით, უფროსი მასწავლებლის წოდება მოგვენიჭა. 2003 წელს აჭარის განათლების სამინისტრომ ნოვატორი პედაგოგის წოდება მომანიჭა. 1980 წლიდან გადამიყვანეს შუახევის განათლების განყოფილების ჭრე დაწვებით კლასების მეთოდისტად, შემდეგ, აღმზრდელი მუშაობის მთავარ სპეციალისტად. ყოველწლიურად თითქმის ყველა სკოლაში მივიდიოდით. ფეხით მაქვს შემოგლიწო შუახევის რაიონის ყველა სოფელი და უბანი. ვეხმარებოდით ახალბედა მასწავლებლებს, ვიწონებდით მოწინავე პედაგოგების გამოცდილებას. პირველმა დავენერე გამოცდილ პედაგოგთა მიერ საჩვენებელი გაკეთებების ჩატარების პრაქტიკა, აღმზრდელი მუშაობის მეთოდების დანერგვა მუშაობის დროს, სკოლებში შემოვიღე კლასის ხელმძღვანელის დავთარი და კლასის ხელმძღვანელის საათი, რომელიც საგაკვეთილო ცხრილში შევტანინე, რამაც კარგი შედეგი გამოიღო. საქართველოს განათლების სამინისტრომ იდეა მოიწონა და სიახლედ ჩავგითვალა.

**- ჯანსაღი ნატარძის გვარადან ერთ-ერთმა პირველმა ჩაბარებულმა სპორტურაში. რატომ აღარ გამყვეთ მეცნიერებას?**

- ინსტიტუტი წარჩინებით დავამთავრე. 1979 წელს ჩავირიცხე სულხან-საბა ორბელიანის სახელობის პედაგოგიური ინსტიტუტის ასპირანტურაში, დაუსწრებელ განყოფილებაზე პედაგოგიკისა და ისტორიის სპეციალობით. აქ ლექციებს მიკითხავდნენ ცნობილი მეცნიერები ნათელა ვასაძე, ვლადიმერ გაგუა, გივი ჭანიშვილი, ირაკლი კვიციანიძე, ნათელა იმედაძე. ჩავა-

ბარე საკანდიდატო მინიმუმის გამოცდები და დისერტაციაზე მუშაობაც დავიწყე. მეცნიერ-ხელმძღვანელად ქალბატონი ბელა გომელაური დაამინიშნეს. დადგა სოფლიდან ქალაქში გადასვლის აუცილებლობა. ოჯახში ხანდაზმული დედა მყავდა, როცა ჩემი გადაწყვეტილება გავუხმობდი, მითხრა - წადი, შვილო, მე აქედან არსად წამსვლელი არ ვარ და წყლის მომწოდებელს როგორმე ვნახავო. ამ სიტყვებმა ისე იმოქმედა ჩემზე, რომ დედის სიცოცხლეში სოფლიდან არ გავსულვარ. დისერტაციაზე მუშაობაც იმ დღიდან შევწყვიტე. არ ვიცი, რა დონის მეცნიერი მუშაკი ვიქნებოდი, მაგრამ დედის წყენა მთელი ცხოვრება გამყვებოდა და ამიტომ არ ვნანობ.

**- სანახევრო არც გაქვთ - კარგი მასწავლებლობის შემდეგ მათი უფლებების დამცველის სტატუსი გაქვთ.**

- 21-ე საუკუნის დასაწყისში, როცა განათლების სისტემის რეორგანიზაცია მოხდა და რაიონებში განათლების განყოფილებების ბაზაზე რესურსცენტრები ჩამოყალიბდა, მთავარ სპეციალისტთა სამსახურებმა ფუნქცია დაკარგა. მე პედაგოგთა უფლებების დამცველთა რიგებში ჩავდექი და აქ ჩემი შესაძლებლობების წარმოჩენა ვცადე. როგორ გამომდის, ეს მათ უნდა ჰკითხოთ.

**- ოჯახზე რას გვეტყვი?**

- შვილების მომავალზე ზრუნვა ყველა მშობლის მოვალეობაა, მაგრამ შვილებმაც უნდა შეგვიწყონ ხელი. ამ მხრივ, მადლობა ღმერთს, ბელს არ ვემდურები. ბედნიერებაა, რომ ხუთი შვილიშვილის ბაბუა ვარ. მშვიდი და წყნარი ოჯახი მაქვს. მეუღლე - ნანული აბუსერიძე პროფესიით პედაგოგია. ყოველ საქმესა და წამოწყებაში გვერდით მიდგას. რძლებშიც გამომართლა. ჩემი ერთი ვაჟი ბათუმის მერიის საფინანსო სამსახურის უფროსია, მეორე - ზედა აჭყვის საჯარო სკოლის დირექტორი.

**- პედაგოგიური საქმიანობიდან უფრო მეტი გაქვთ გასახსენებელი თუ მასწავლებელთა უფლებების დაცვის კუთხით?**

- უკვე ვთქვი, რომ ჩემთვის დიდი და პატარა საქმე არ არსებობს. ყველა საქმე დიდა და შეძლებისდაგვარად ვცდილობ, უნაკლოდ ვაკეთო. როგორ გამომდის ეს, სხვები განსჯიან. პედაგოგიურ სარბიელზე ყოველთვის ვნახულობდი ჩემთვის საინტერესო საქმეს. მასსოვს, გორის დაწვებით სკოლის გამე-მასწავლებელი რომ ვიყავი, ჩვენი საქმიანობა უფრო საინტერესო რომ გა-

მეხდა, საქართველოს მთიანი რაიონების განათლების განყოფილებებს წერილი დავუგზავნი, ვთხოვდი, მათი დაწვებით სკოლების მასწავლებლები და მოსწავლეები გამოხმამურებოდნენ. პირველად ყვარლის რაიონის შაქრიანის დაწვებით სკოლა გამომხმამურა. დავამყარე მეგობრული ურთიერთობა. მოსწავლეები წერილებს წერდნენ თანატოლებს, თავიანთ საქმიანობაზე ესაუბრებოდნენ. მასწავლებლებიც შეგვხვდით ერთმანეთს და გამოცდილება გავუზიარეთ. ამით დიდი და კარგი საქმე გაკეთდა. ბავშვებმა ესეების გამართული წერა ისწავლეს. ერთმანეთს შეეჯიბრნენ. დღესაც მაქვს შენახული მათი გამოგზავნილი წერილები. პროფესიულ კავშირებში საქმიანობა უფ-

რო მეტი ინიციატივის საშუალებას იძლევა. აქ პედაგოგთა ინტერესების, მათი შრომითი და სამართლებრივი უფლებების დაცვა და პროფესიული განვითარებისათვის ზრუნვა მთავარი პრიორიტეტია. ამას კულტურულ-გამაჯანსაღებელი ღონისძიებებიც ემატება და, რომ იტყვიან, საქმე თავზე საყრელია

რო მეტი ინიციატივის საშუალებას იძლევა. აქ პედაგოგთა ინტერესების, მათი შრომითი და სამართლებრივი უფლებების დაცვა და პროფესიული განვითარებისათვის ზრუნვა მთავარი პრიორიტეტია. ამას კულტურულ-გამაჯანსაღებელი ღონისძიებებიც ემატება და, რომ იტყვიან, საქმე თავზე საყრელია. მართლმართლ მასწავლებელთა პროფესიული განვითარების და სასერტიფიკაციო გამოცდებისთვის მომზადებულ ოცამდე სემინარი ჩავატარე, რომლებშიც 250-ზე მეტმა მასწავლებელმა მიიღო მონაწილეობა, სემინარების ხარჯები მთლიანად ჩვენმა ორგანიზაციამ დაფარა. ტრადიციულად გვაქვს ამაგდარ პედაგოგთა ღვაწლისა და შრომის დაფასებისადმი მიძღვნილი ღონისძიებების გამართვა, მათთვის საპატიო სიგელებისა და სუვენირების დაცემა. შუახევის რესურსცენტრის უფროსის ბატონ ელუარდ გოგრაჭაძისა და სკოლების დირექტორების გამართული მუშაობის, მასწავლებელთა საქმიანობის გათვალისწინებით განხორციელებული ღონისძიებების შედეგია, რომ პედაგოგთა შრომითი და სამართლებრივი უფლებების დასაცავად ნაკლები შრომა მჭირდება. იშვიათია სკოლებში კანონდარღვევის შემთხვევები. ჩვენი პროფკავშირები რეგულაციური კატაკლიზმების პერიოდში გვერდით დაუდგა მასწავლებელს. 90-იან წლებში, როცა მასწავლებლის ხელფასი ძალიან მცირე იყო, შეგქმლით და მათ უფასო მგზავრობის ბილეთები გადავცეთ. ერთ ხანს ხელისუფლებამ სკოლების ოპტიმიზაცია და პედაგოგიური კადრების შემცირების კამპანია წამოიწყო. ჩვენ ეს პროცესები შევარჩიერებინეთ. თუნდაც ახლა, მასწავლებელთა კარიერული წინსვლის, მათთვის სტატუსის ამაღლებისთვის

ის შემუშავებულ სქემაში, ჩვენი ინიციატივით და ხელისუფლების მხარდაჭერით, ბევრი ცვლილება შევიდა მასწავლებელთა სასიკეთოდ.

**- შარშან საზღვარგარეთ იმყოფებოდით. რამდენად მნიშვნელოვანი იყო ეს გასვლა?**

- პროფესიული კავშირების ეგიდით ორი საერთაშორისო კონფერენციის მონაწილე ვარ. პირველად, 2007 წლის მაისში, ქალაქ ლვოვში გამართულ განათლების მუშაკთა საერთაშორისო კონფერენციაზე გახლდით, სადაც განიხილებოდა ევროპის ქვეყნებში ერთიანი განათლების სისტემის შექმნის თაობაზე ბოლონის შეთანხმება, რომელმაც ჩვენს ქვეყანაში 12-წლიან სწავლებას დაუდო საფუძველი. შარშან ბელგიის ქალაქ ლიეჟში გამართულ ევროპის პროფკავშირების განათლების კომიტეტის კონფერენციაში ვმონაწილეობდი. კონფერენციაზე ყურადღება გამახვილდა პროფკავშირების როლზე, ევროპაში ინკლუზიური და ხარისხიანი განათლების სისტემაზე, მთავრობებისა და პროფკავშირების შორის სოციალური დიალოგის მნიშვნელობაზე. აშკარად გამოჩნდა ევროპაში პროფკავშირების დიდი როლი და ავტორიტეტი, მთავრობებისა და პროფკავშირების კონსტრუქციული ურთიერთობები და თანამშრომლობა, რაც ჩვენი პროფკავშირული საქმიანობისთვისაც მნიშვნელოვანია.

**- მოძმე უკრაინა ომის ქარცეცხლშია გახვეული. თქვენი ორგანიზაცია რას აკეთებს უკრაინიდან დევნილი პედაგოგების და მოსწავლეების დასახმარებლად?**

- ეს საშიშნელება რაც შეიძლება მალე უნდა შეჩერდეს. ჩვენმა პროფკავშირმა ჯერ კიდევ გასული წლის მარტში 20 ათასი ლარის ღირებულების სხვადასხვა ღონისძიებით პროდუქტი გაუზავნა უკრაინელ პედაგოგებს. ლიეჟში ყრილობის მუშაობაში მონაწილეობდა უკრაინის განათლებისა და მეცნიერების პროფკავშირის დეპარტამენტი ოლა ჩაბუნაკი, რომელიც, მცირეწლოვან შვილთან ერთად, ავსტრიაში ლტოლვილად იმყოფება. ჩვენი პროფკავშირის პრეზიდენტმა მაია კობახიძემ ევროპის პროფკავშირების კონფერენციაზე დააყენა საკითხი - რუსეთის მასწავლებელთა პროფკავშირი გაირიცხოს ევროპის პროფკავშირების ერთიანებიდან, ვინაიდან პუტინის მხარდამჭერი, პოლიტიზებული პროფკავშირი არ უნდა იყოს ჩვენი დიდი ევროპული ოჯახის წევრი.

**- საკმაოდ კარგ წამოწყებას აკრძალვით - არ იგივეებით ამაგდარ პედაგოგებს.**

- მაღლიერებით მინდა აღვნიშნო, რომ სრულ მხარდაჭერას ვგრძნობთ სათავო პროფკავშირული ორგანიზაციისგან, პირადად ჩვენი პროფკავშირის პრეზიდენტ მაია კობახიძისგან და აჭარის რესპუბლიკური ორგანიზაციის თავმჯდომარე ბატონი ალექსანდრე ბერიძისგან. რომ არა მათი თანადგომა, შუახევი ვერცერთი ჩვენი ინიციატივა ვერ განხორციელებოდა. მხარს გვიჭერენ და, შესაძლებლობების შესაბამისად, გვეხმარებიან კიდევ.

# ესპანეთიდან ტურისტული ნაკადების გაზრდის მიზნით...

ტურიზმის ეროვნული ადმინისტრაცია ესპანეთში საერთაშორისო ტურისტულ გამოფენაში FITUR-2023 მონაწილეობს. თავად ადმინისტრაციის ინფორმაციით, გამოფენას ეკონომიკისა და მდგრადი განვითარების მინისტრის მოადგილე მარიამ ქვრივიშვილი და ტურიზმის ეროვნული ადმინისტრაციის ხელმძღვანელი მაია ომაიძე ესწრებიან.



საქართველოში ტურისტული ნაკადების გაზრდის მიზნით, შეხვედრები მიმდინარეობს საერთაშორისო ტურისტული კომპანიების, საერთაშორისო მედიებისა და საკომუნიკაციო სააგენტოების წარმომადგენლებთან. FITUR-2023-ზე საქართველოს სტენდთან სტუმრებს საშუალება აქვთ ქვეყნის ტურისტული პოტენციალის შესახებ ვიდეორგოლები იხილონ და ტურისტულ პროდუქტებს გაეცნონ. მსოფლიოში ერთ-ერთ უდიდეს ტურისტულ გამოფენაზე 130-ზე მეტი სახელმწიფოდან 8 ათასზე მეტი კომპანიაა წარდგენილი. FITUR-2023-ს 100 ათასზე მეტი დამთვალიერებელი და ბიზნესის წარმომადგენელი ესწრება. - ნათქვამია ინფორმაციაში.

ამირან ბურიძე

„მადრიდში მიმდინარე გამოფენაზე ტურიზმის ეროვნული ადმინისტრაციისთან ერთად აჭარის ტურიზმისა და კურორტების დეპარტამენტი, თბილისის მერია, იმერეთის დანიშნულების ადგილის მართვის ორგანიზაცია და 8 ტურისტული კომპანიაა წარდგენილი. გამოფენის ფარგლებში, ესპანეთიდან



# რა ვირუსები სირკულირებს საქართველოს ყველა რეგიონში?

მარიამ ხოთარაშვილი 27 48 93

სეზონური გრიპი გრიპის A და B ვირუსით გამოწვეული მწვავე ინფექციური დაავადებაა. იგი აინფიცირებს სასუნთქ სისტემას (ცხვირი, ყელი, ფილტვები). სეზონური გრიპის ვირუსი ყოველწლიურად ცირკულირებს, რაც ადამიანთა გრიპით ავადობას განაპირობებს. უმეტესწილად, გრიპით დაავადებული ადამიანი გადაემტკიცება სიმპტომების გამოვლენამდე 1 დღით ადრე და გამოვლენიდან კიდევ 5-7 დღის (ზოგჯერ - მეტი) განმავლობაში. ბავშვები, ჩვეულებრივ, 7 დღეზე მეტხანს არიან გადაემტკიცები. გრიპი ხასიათდება როგორც მსუბუქი, ისე მძიმე მიმდინარეობით და შესაძლოა დასრულდეს ლეტალურად. უბრალო გაციებისგან განსხვავებით, გრიპი მწვავედ იწყება გრიპის მეორადი გართულებებით.



ბის, ჰოსპიტალიზაციისა და ლეტალობის მაღალი რისკის ქვეშ იმყოფებიან: ჩვილები და ადრეული ასაკის ბავშვები, განსაკუთრებით 2 წლამდე; ორსულები და ხანდაზ-

მულები 65 წელს ზევით; ქრონიკული დაავადების მქონე პირები (ასთმა, ფილტვის ქრონიკული ობსტრუქციული დაავადება, გულის შეგუბებითი უკმარისობა, დიაბეტი, ღვიძლისა და თირკმლების ქრონიკული დაავადებები და ა. შ.). სეზონური გრიპი ადვილად ვრცელდება, სწრაფად გადადის ხალხმრავალ ადგილებში, მათ შორის სკოლებსა და მოხუცთა თავშესაფრებში. როდესაც ინფიცირებული ადამიანი ახველებს ან აცემინებს, ვირუსების შემცველი წვეთები (ინფექციური წვეთები) იშლება ჰაერში და შეიძლება გავრცელდეს ერთ მეტრამდე და დაინფიციროს ადამიანები.

ამ თემაზე სასაუბროდ მედიცინის მეცნიერებთან დოქტორს, ინფექციონისტ მარია ბუჭაშვილს რამდენიმე კითხვით მივმართეთ.

- ქალბატონო მარია, რა ვირუსებია მომრავლებული ახლა და როგორ უნდა შეგებდნენ მათ?

- ამჟამად ცირკულირებს A და B გრიპის ვირუსები, კორონავირუსი, რესპირაციული-სინციტიური ვირუსი, რინოვირუსი და სხვა სეზონური ვირუსები. ნებისმიერი რესპირაციული ვირუსის შემთხვევაში, როდესაც ადამიანს აქვს სიმპტომები: ხველა, სურდო, ყელის ტკივილი, ტემპერატურის მომატება და სხვა, უნდა მოერიდოს გარემომყოფებს და დაიცავს იზოლაციის წესებს.

- კლინიკებში მიმართვიანობა იკლო. თუ ადამიანი შენიშნავს, რომ აქვს სიცხე და გრიპისთვის დამახასიათებელი სხვა სიმპტომები, აუცილებელია თუ არა ტესტის გაკეთება?

- სიმპტომების შემთხვევაში უნდა გაკეთდეს კოვიდის ტესტი და სასურველია გრიპზე ტესტირებაც, რომელიც ასევე ცხვირ-ხახის ნაცხით კეთდება.

- აუცილებელია თუ არა განსხვავებით, კოვიდა თუ ჩვეულებრივი გრიპი, რათა ისევ დავიცვათ იზოლაცია?

- იზოლაცია ნებისმიერ შემთხვევაში უნდა დავიცვათ.

- უმეტეს შემთხვევაში ბაციენტებში ძალიან რთულდება ჯანმრთელობის მდგომარეობა, ასეთ დროს კოვიდი რთულდება თუ კიდევ არის სხვა ისეთი გრიპის ვირუსი, რომელიც ასევე საყურადღებოა?

- გართულებები გრიპსაც ახასიათებს, განსაკუთრებით, 5 წლამდე ბავშვებსა და ხანდაზმულებში. საკმაოდ ხშირია პნევმონიით გართულება.

- ხშირია განხარკობის შემთხვევები ტემპერატურა, როცა 37,5 აქვთ 1 თვის განმავლობაში, ესეც გართულების შედეგია?

- 37,5-მდე ტემპერატურა ბევრი ადამიანისთვის ნორმალური ტემპერატურაა. ასევე, ინფექციური დაავადებების გადატანის შემდეგ ხშირია განხარკობის შემთხვევები. თუ 38-ს აღწევს, აუცილებელია მთელი რიგი გამოკვლევების ჩატარება, რასაც ადგენს ექიმი.

## „კვარასხელიას მსოფლიო კლასის ტექნიკა აქვს“

„იუვენტუსის“ 5:1 ანგარიშით დამარცხების შემდეგ „ნაპოლის“ მწვრთნელმა ლუჩანო სპალეტიმ შემდეგი კომენტარი გააკეთა:

„ჩემმა გუნდმა შესანიშნავი მატჩი ძალიან მაღალ ტემპში ჩაატარა. ეს ისაა, რაც უნდა გავაკეთოთ. დიდებული სადამოა, გულშემატკეპვერებმა მაგრად დაგვიჭირეს მხარი და ფეხბურთელებმა ამისათვის მაღლობა გააღწიეს. სწორად ვმოქმედებდით, მაშინაც კი, როდესაც გოლი გავუშვით და მოწინააღმდეგე თამაშში დაბრუნდა... ოსიმენის პოტენციალით გაოგნებული ვარ, რომლის რეალიზაცია ბოლომდე არ მოუხდენია. ის ყვე-

ლაზე ძლიერია. კვარაცხელიას მსოფლიო კლასის ფეხბურთელების ტექნიკა გააჩნია, საკმარისი ალლო, ბურთის მეკარისთვის ყველაზე ძნელად ასაღებ კუთხეში გადაგზავნა ეხერხება. გეგონება მარჯვენა ფეხით დარტყმას აპირებს, ამ დროს კი ფინტი მარცხნივ გადის. ძლიერია ფიზიკურად და ტექნიკურად. მესმის, მის მსგავს ფეხბურთელებს არ მოსწონთ ძალისმიერი ორთაბრძოლები და დაცვითი ფუნქციების შეთავსება.

სკუადრით? ეს გამარჯვება პირველი და საკუთარი თავისთვის გზავნილია. მეტოქეს ვაჭრებთ და მოგება დავიმსახურეთ“.



ამირან ბურჩაშვილი

## უკრაინა

უკრაინის თავდაცვის ძალებმა რუსი ოკუპანტების თავდასხმები 9 დასახლებულ პუნქტთან მოიგერიეს, - აღნიშნულია უკრაინის შეიარაღებული ძალების გენერალური შტაბის ანგარიშში. „მტრის ძირითადი ძალების მიმართულია კონცენტრირებულია ზახმუტის მიმართულებით შეტევაზე. მოწინააღმდეგე წარუმატებელი შეტევას ახორციელებს ავდიოვკის მიმართულებით“, - აღნიშნულია ინფორმაციაში. უწყების ცნობით, უკრაინის თავდაცვის ძალების ნაწილებმა მოიგერიეს თავდასხმები ლუგანსკის ოლქის ბელოგოროვკას დასახლების მიდამოებში და ასევე დონეცის ოლქის სოლოვკას, კრასნაია გორას, ზახმუტის, კლშეევკას, ვოდიანოვს, ნეველსკოეს, მარინკასა და პოპელის დასახლებებთან. ვითარება უცვლელია ვოლინის, პოლევკის, სევერსკის და სლობოჟანსკის მიმართულებებით. „უკრაინის თავდაცვის ძალები იღებენ ზომებს მტრის მხრიდან პროვოკაციული მოქმედებების ან დივერსიის აღსაკვეთად, გაძლიერებულია საჰაერო თავდაცვა“, - აცხადებენ გენშტაბში.

ძლიერ რუსეთის არმიის მიერ გატაცებული და დეპორტირებული თითქმის 14 000 ბავშვის მონაცემების დადგენა და გადამოწმება. სამწუხაროდ, შეგვიძლია ვთქვათ, რომ მათგან მხოლოდ 125-ის სახლში დაბრუნება მოახერხებ“, - აღნიშნა დარია გერასიმოვიცა. მისი თქმით, უკრაინაში რუსეთის სრულმასშტაბიანი შეტრის დაწყებიდან დღემდე 456 ბავშვი დაიღუპა, კიდევ 897 კი დაშავდა. ჩვენი პრეზენტაციის მიმდინარეობისას შევიტყვეთ, რომ დნიპროში ნანგრევებიდან კიდევ ერთი ბავშვი ამოიყვანეს, რომელიც რუსებისგან მოკლეს“, - აღნიშნა უკრაინის პრეზიდენტის მრჩეველმა.

უკრაინის - როგორც სახელმწიფოს განადგურება რუსეთის მიზანი არასოდეს ყოფილა, მაგრამ მოსკოვი ვერ შეეგუება, რომ ის რუსოფობიური დიქტატურა გახდეს, - ამის შესახებ რუსეთის მუდმივმა წარმომადგენელმა გაეროში ვასილი ნებენზიამ განაცხადა. „რუსეთს, როგორც არაერთხელ აღვნიშნეთ, არ აქვს უკრაინის, როგორც სახელმწიფოს ლიკვიდაციის მიზანი, თუმცა ჩვენ არ შეგვიძლია და არ შევეგუებოდეთ იმ ფაქტს, რომ ჩვენს კართან საძულელი რუსოფობიური და ანტიქრისტიანული დიქტატურა ჩნდება“, - განაცხადა ნებენზიამ გაეროს უშიშროების საბჭოს სხდომაზე. მისი მტკიცებით, რუსული რაკეტა, რომელიც დნიპროში ჩამოვარდა, უკრაინულმა სარაკეტო თავდაცვამ ჩამოაგდო. „ქალაქის ინფრასტრუქტურის მიმართულებით გასროლილი რუსული რაკეტა უკრაინულმა სარაკეტო თავდაცვამ ჩამოაგდო. რაკეტა წინააღმდეგე სისტემა საცხოვრებელ უბანში, სერთაშორისო ჰუმანიტარული სამართლის დარღვევით იყო განთავსებული“, - აღნიშნა ნებენზიამ.

რქეთის პრეზიდენტ რეჟიმ თაიფ ერდოღანს განუცხადა, რომ რუსეთის ფედერაცია ღია დიალოგისთვის, მაგრამ კიევმა უნდა გაითვალისწინოს „ახალი ტერიტორიული რეალობა“.

\*\*\*

უკრაინას უკვე გარანტირებული აქვს Patriot-ის სამი საზენიტო-სარაკეტო კომპლექსი. ჩვენი საჰაერო თავდაცვის გასაძლიერებლად ახალ დაწვევებზე მუშაობა გრძელდება, - განაცხადა უკრაინის პრეზიდენტმა ვოლოდიმირ ზელენსკიმ ტრადიციულ ვიდეომიმართვაში. მისი თქმით, ეს მხოლოდ დასაწყისია. ვოლოდიმირ ზელენსკიმ ნიდერლანდების პრემიერ-მინისტრ მარკ რუტეს უკრაინისთვის Patriot-ის კომპლექსის მიწოდებასთან დაკავშირებით მაღლობა გადაუხადა. „ნიდერლანდების პრემიერ-მინისტრ მარკ რუტესგან ძალიან მნიშვნელოვანი ამბავი მოვისმინეთ. ეს სიახლე რეალურად არის მასთან ჩვენი ბოლო მოლაპარაკებების გაგრძელება. უკრაინას Patriot-ის კიდევ ერთი ბატარეა მიეწოდება“, - განაცხადა ზელენსკიმ.

აშშ-ის სახელმწიფო მდივან ენტონი ბლინკენის განცხადებით, რუსეთის მოთხოვნა კიევსგან ახალი ტერიტორიული რეალობის აღიარების შესახებ არ იძლევა მოლაპარაკების პროცესის დაწყების საშუალებას. „რუსეთის ცდილობენ გავარცხლონ ნარატივი, რომ ისინი დანტერესებული არიან დიპლომატიით. რუსეთის მოთხოვნა უკრაინის მიერ ახალი ტერიტორიული რეალობის აღიარების შესახებ მიუღებელია და არ იძლევა მოლაპარაკების პროცესის დაწყების საშუალებას“, - აღნიშნა ბლინკენმა ბრიტანულ კოლეჯ ჯეიმს კლევერლისთან ერთობლივ პრესკონფერენციაზე. იანვრის დასაწყისში რუსეთის პრეზიდენტმა ვლადიმერ პუტინმა თუ-

\*\*\*

უკრაინული მედიის ცნობით, ბროვარში, კიევის ოლქში, ვერტმფრენი საბავშვო ბაღთან ახლოს ჩამოვარდა. კიევის გუბერნატორ ოლექსი კულებას განცხადებით, ტრაგედიის დროს, ბავშვები და პერსონალი საბავშვო ბაღის შენობაში იმყოფებოდნენ. ვერტმფრენის ჩამოვარდნის შედეგად უკრაინის შინაგან საქმეთა მინისტრი დენის მონასტირსკი დაიღუპა. ასევე დაღუპულია დენის მონასტირსკის პირველი მოადგილე ევგენი ენინი და სახელმწიფო მდივანი იური ლუბკოვიჩი. ამ დროისთვის არსებული ინფორმაციით, ვერტმფრენის ჩამოვარდნის შედეგად 18 ადამიანი დაღუპული, აქედან 3 ბავშვია. მედიის ცნობით, ვერტმფრენში ეკიპაჟის 9 წევრი იმყოფებოდა. უკრაინის ეროვნული პოლიციის უფროს იგორ კლიმენკოს განცხადებით, 29 დაზარალებული საავადმყოფოშია გადაყვანილი, აქედან 15 ბავშვია. ვერტმფრენი უკრაინის საგანგებო სიტუაციების სახელმწიფო სამსახურს ეკუთვნოდა.

\*\*\*

უკრაინამ ომის დროს რუსეთში უკანონოდ წაყვანილი 125 ბავშვის დაბრუნება მოახერხა, - ამის შესახებ უკრაინის პრეზიდენტის მრჩეველმა-კომისარმა ბავშვთა უფლებების დაცვისა და ბავშვთა რეაბილიტაციის საკითხებში დარია გერასიმოვიცა დავოსში, მსოფლიო ეკონომიკური ფორუმის ფარგლებში, პროექტის „უკრაინა შენ ხარ“ განხილვის განაცხადა. მისი თქმით, ცნობილია რუსეთის ფედერაციის მიერ თითქმის 14 ათასი ბავშვის გატაცების შესახებ. ჩვენ შეე-

\*\*\*

\*\*\*

მოამზადა ნაირა ფუტყარაძემ

<p><b>მთავარი რედაქტორი</b></p> <p><b>მარიანა მითაიშვილი</b></p>	<p><b>გამომცემი რედაქტორი</b></p> <p><b>ირმა შერვაშიძე</b></p> <p><b>ლიტერატურული რედაქტორი</b></p> <p><b>ეთერ სომარიკი</b></p>	<p>რედაქცია პასუხს არ ავებს უცხოური პრესიდან თარგმნილი მასალების, ფაქტების, ინფორმაციის სიზუსტეზე, აგრეთვე სარედაქციო განცხადებების შინაარსსა და სტილზე.</p> <p>ნიშნით აღნიშნული სტატიები იბეჭდება რედაქციის უფლებით.</p> <p>რედაქციაში შემოსული მასალები ავტორებს არ უბრუნდება.</p>	<p><b>გამომცემი - შპს</b></p> <p>«ბანკიი აპარა და ალპარიი»</p> <p><b>კოორდინირებული მომსახურება - შპს «კოლორ პრინი»</b></p> <p>მის: ქ. თბილისი, ქ. ბაღდაშვილის ქ. №3</p>	<p><b>მისამართი: 6000, ბათუმი, გრიგოლშვილის ქ. №2</b></p> <p><b>ტელ: 27-13-31</b></p> <p><b>აინფო და აკაბადონდა</b></p> <p><b>გაზეთი აპარისი</b> კომპ. ცენტრი</p> <p>დასაბავშვო ხელმოწერილია 18/01/23, 22 წ. სტ.</p>	<p><b>დირექტორი</b></p> <p><b>გამუკა ბერიკა</b></p>
--	---	--	--	--	---





# „პარ ჩემი სამშობლოს „ელჩი“ განუსაზღვრელი ვადით“

მარიანა ბაბაიძე 514 22 22 80

ჩვენი სტუმარია ევროპაში პირველი ქართული ინტერნეტტელევიზია Merani TV-ის დამფუძნებელი და პრეზიდენტი, პოეტი, ემიგრანტი მელი თურმანიძე. იგი ქედის რაიონის სოფელ მერისში დაიბადა. უკვე 17 წელია, იტალიაში, ქალაქ მილანში ცხოვრობს. დიდია მისი როლი ჩვენი ემიგრანტების ყოველდღიური მძიმე ყოფის შემსუბუქებასა და თანადგომაში.

**- ქალბატონო მელი, დიდი ხანია იტალიაში ცხოვრობთ, თქვენთვის რა არის ემიგრაცია?**

- ემიგრაცია - ეს არის ტყვილი, მაგრამ არცთუ ისე დიდი ხნის წინ მივხვდი, რომ არ ვარ ემიგრანტი, არ მაქვს სევდიანობის დრო. ვარ ჩემი სამშობლოს „ელჩი“ განუსაზღვრელი ვადით და ამ მისიის შეწყვეტა შემძლია მხოლოდ მე და მაშინ, როცა ჩავთვლი, რომ ჩემი შესაძლებლობები, როგორც „ელჩის“, ამოწურულია.

**- როგორ შეიქმნა Merani TV?**

- ტელევიზია ვალდებულებების შეგრძნებაა, რომელიც მაქვს საკუთარი ერისა და ხალხის წინაშე. ყველაფერი ბევრად უფრო ადრე, 2019 წლის 13 იანვარს დაიწყო, როდესაც საფუძველი ჩაეყარა ქართული-იტალიურ კულტურულ ასოციაცია „მერანს“. პანდემიის დაწყებამდე ხშირად ვმართავდი ქართულ საღამოებს, სადაც უწყვეტად მიმდინარეობდა ქართული სიმღერის, ტრადიციული ტანსაცმლის თუ სამზარეულოს კობულაროზაცია. პანდემიამ მსოფლიო წესრიგი შეცვალა და, რა თქმა უნდა, ჩვენ არ ვიყავით გამონაკლისი, ამიტომ გადავწყვიტეთ, სოციალური ქსელების დახმარებით ჩვენი წილი თანადგომა გამოვგვხვადო სახლებში გამოკეტილი ემიგრანტებისადმი და ასე დავეწყეთ პირდაპირი ეთერი. შეიქმნა არაერთი რუბრიკა, რომელთა შორის ყველაზე მნიშვნელოვანია იყო „ლიტერატურული საღამოები მელითან ერთად“, „პორტალი“, „გარიბალდის 73-ში“, „არდაზავი“, „ყავა ონლიანი“, საბავშვო გადაცემები „კითხვობენ ბავშვები“ და „მიბასუნე“. 2020 წლის დეკემბერში, ტექნიკური შესაძლებლობების გაფართოების მიზნით, გადავქტიურდით სხვადასხვა პლატფორმაზე და უკვე მყარად შექმნილი საფუძველზე დავარსეთ ინტერნეტტელევიზია Merani TV. უკვე ერთი წლის ვართ და უწყვეტად ვმუშაობთ. რადიკალურად არ ვემხრობით რეიტინგის ამაღლებას ნეგატიური ამბების გაშუქებით. აქტიურად ვცდილობთ კულტურის, ლიტერატურისა და ისტორიის ფართოდ გავრცელებასა და გაცვლას, ასევე შევქმენით პრეცედენტი გადაცემით „მიგრაცია“, რომელიც ორიენტირებულია საქართველოს ფარგლებს გარეთ მცხოვრები ემიგრანტების უფლებებისა თუ ვალდებულებების გათვითცნობიერებაზე. საბედნიეროდ, ჩემი იდეის თანამოზიარეა ჩემი შვილობილი, რომელსაც ძალიან დიდი წვლილი მიუძღვის ტელევიზიის განვითარებაში. სამწუხაროდ, ამ ეტაპზე ერთადერთი ქართული ინტერნეტტელევიზია ვართ საქართველოს საზღვრებს გარეთ. შასურველია, რაც შეიძლება მეტი მსგავსი საინფორმაციო წყარო შეიქმნას.

**- ალგორითმით თქვენი თუნდაც ერთი დღე, ცხოვრების წესი, ადამიანები, ურთიერთობები...**

- მნიშვნელოვანია, დღეს რომელი მხრიდან შევხედავთ, შევეცდები ორივე მხარეზე გესაუბროთ. თუ დღეს ვუყურებთ როგორც ემიგრანტის მორიდ გათენებას უცხო მიწაზე, ის ძალიან სევდიანია. 17 წლის შემდეგაც, ვიდრე დარბებს გამოვალბე, მგონია, საქართველოში, ჩემს მშობლიურ კედლებში გავიღვიძე, ბუნებრივია, სევდისმომგვრელია რე-



ალობა, რომელიც დარბებს მიღმა გვხვდება. თუმცა, არის მეორე მხარე, ჩვეულებრივი მოქალაქის ყოველდღიურობა. ყველაზე მეტად რაც მიყვარს, ღიმილია, აქ ყველა იღიბება, თუ ერთი და იგივე ადგილას ორჯერ ან სამჯერ მაინც გნახა ადამიანმა, შეიძლება მოსალმებისგან თავი შეიკავოს, მაგრამ ღიმილს არ დაიშურებს. ვუღიმიეთ ერთმანეთს და ვაგრძელებთ გზას, ეს უკვე დილის პოზიტივია, რომელიც მთელი დღე მივყავართ. საზოგადოებრივი ტრანსპორტი არ ავგინანებს, რაც მეორე მიზეზია იმისათვის, რომ მშვიდად ვაგზობდი დღე, არსებობს განსაზღვრული სამუშაო გრაფიკი, კუთვნილი შესვენებთა და გათვლილი დღიური საათებით. აქაც არ გაქვს მიზეზი ნერვების მოშლის, რჩება მხოლოდ ის, როგორმე მოერგო შენს არჩეულ ან იღბლისგან გამომეტყულებულ სამუშაოს, რაც იოლი არაა, რადგან, სამწუხაროდ, ჩვენ ისეთი ქვეყნიდან მოვდივართ, სადაც სამუშაო სფეროში წინასწარი კანონი ჯერ კიდევ არ მოქმედებს. ემიგრანტის დაძაბულ ნერვებს კი ხანდახან აქაური წესრიგიც კი აღიზიანებს. ალბათ, საჭიროა გავიზაროთ, რომ აქ არა ჩვენი წესების დასამყარებლად, არამედ სამუშაოდ და დასამკვიდრებლად ან დროთა განმავლობაში შინ დასაბრუნებლად მოვედით და ბევრი რამ შეიცვლება უკეთესობისკენ.

**- როგორ გესახებათ თქვენი, როგორც ემიგრანტის ხვალისდელი დღე?**

- ზემოთ, ნახევრად ხუმრობით ვახსენე, რომ არ ვარ ემიგრანტი, მე ელჩი ვარ ჩემი ქვეყნის და ამას მართლა ასე აღვიქვამ. დადგა ჩემს ცხოვრებაში ეტაპი, რომელშიც არა მხოლოდ თავის და სამშობლოში დარჩენილი სანათესაო გადარჩენაზე ზრუნავა, არამედ ყოველდღიური ფიქრი, როგორ და რა მეთოდით გავუწოდოთ ხელი ემიგრანტს. სამწუხაროდ, მას ძალიან ბევრი ბარიერი აქვს გადასალახავი, ყველაზე დიდი კი ენის უცოდინარობაა, რაზეც უმარავი დეტალია ჯაჭვივით ასხმული - ვერ ახერხებთ მოიპოვო საჭირო ინფორმაცია, საჭირო მისამართი. თუ იპოვი, დანიშნულების ადგილზე მისულმა არ იცი, როგორ დამყარო კომუნიკაცია. ამასთანავე, ძალიან სამწუხარო რეალობა ემიგრაციის ახალი ტალღა და ზოგიერთი ძირძველი ემიგრანტის დამოკიდებულება მათ მიმართ - დახმარების ხელის გაწვდის ნაცვლად, თანხებს ძალავენ... ჩემი გუშინდელი, დღევან-

დელი და ხვალისდელი დღეც ამ ადამიანების თანადგომაა. ამისთვის შეიქმნა თავის დროზე ასოციაცია, ამისთვის შეიქმნა პირველი ინტერნეტტელევიზია Merani TV-ი. უწყვეტ რეჟიმში ვცდილობთ, რაც შეიძლება მეტი პოზიტივი და საჭირო ინფორმაცია მივიტანოთ ემიგრანტებთან. ასევე ვცდილობთ, ჩანსალი ინფორმაცია მოვიტანოთ საქართველომდე იმ ქვეყნებიდან, სადაც ვცხოვრობთ, რათა გარყვნილი და გახრწნილი ევროპის მცდარი სტერეოტიპი დაეარღვიოს. ის, რაც საქართველოში მიუღებელია, არც აქ მოსწონთ ადამიანებს. ევროპელ ადამიანებს აქვთ ძალიან ბევრი კარგი თვისება, თუმცა ახლა მხოლოდ ერთს მინდა გავუსვა ხაზი, მათთვის არ ხარ ქართველი, მათთვის ხარ - მელი, მარიამი, ანა... შენი თვისებებით, შენი ქცევით, განათლებით დონით თუ სხვა მრავალი დეტალით ქმნიან შენს პიროვნებას და იმის მიხედვით გაფასებენ. შენს ეროვნებას ზემოთ ჩამოთვლილ დეტალებში ადგილი არ აქვს. ჯერ პიროვნება ხარ და მერე წარმოაჩენ ან ვერ წარმოაჩენ შენს ქვეყანას. არავინ გავიწყდება იმის გამო, რომ სადაც ქართველს რაღაც დაუშავებია და რადგან ქართველი ხარ, შენც ცუდი ხარ. ეს თვისება, როგორც ემიგრანტი, უზარმაზარ ტვირთს გაცლის მხრებიდან, არ გაქვს შიში, რომ საზოგადოება გავარყავს, შენს ხელთაა ყველა ბერკეტი სამისოდ, რომ დაიმკვიდრო თავი იქ, სადაც ხარ.

**- მოგონება, რომელიც მუდმივად თან გსდევთ და შთაგავონებთ...**

- ეს მოგონება დედაჩემთან განშორებაა... ალბათ ყველა ემიგრანტის ყველაზე მტკივნეული დღე ესაა და ვერაფერს ვიტყვი განსაკუთრებულს, თუმცა არც სათქმელი მაქვს მეტი. გიჟურად თოვდა, ძალიან დიდი და საოცარი ფანტელები ცვიოდა ციდან, გზები ჩაიკეტა. მე სოფელ მერისში გავიზარე, ჩემი ოჯახი იქ ცხოვრობს დღემდე, ამიტომ ბუნებრივია, მშობლებთან გამომშვიდობება გვიწოდდა წასვლამდე და უგზოობის გამო, სამი კილომეტრი ფეხით ვიარებ თოვლში, რათა ჯერ სახლამდე მივხვედნო და მერე ავტობუსამდე. ვიდრე დავბრუნდებოდი, თოვლის საფარმა კიდევ უფრო მოიმატა, მამა და შუათანა მძა გაგვყვა ავტობუსამდე, დედა შინ დარჩა, ძალიან გამიჭირდა დამშვიდობება, მეორედ უკან დაბრუნებული მაგრად ჩა-

მიკრა გულში და მერე ძლიერად ხელი მკრა მკაცრი ტონით, აღარ დაბრუნდო, ამის გახსენება ერთდროულად მანგრევეს და მაშენებს! მერე მახსოვს, როგორ ვაბრაუნებდი გზაზე ნაბიჯებს, მეგონა ისე ძლიერი აღმოგონდებოდა, მთებს ჩამოვშლიდი ნამქერებად და მერე ვიტყვოდი, მე არაფერ შუაში ვარ, ოჯახის გადასარჩენად მივდიოდი, მაგრამ გზა ჩაიხერგა, ჩემი რა ბრალია?! ვერ ჩამოვშალე მთები ნამქერებად... წავედი.

**- თქვენს შესანიშნავ პოეზიაზე რას გვეტყვით?**

- პოეზია... ვერ ვიტყვი, რომ პოეტი ვარ, უბრალოდ, ეს საოცარი სივრცე ჩემი თავშესაფარია. უფრო ვკითხულობ, ვიდრე ვწერ, თუმცა საკუთარ შემოქმედებაში არცთუ ისე ცოტაა ლექსები, რომლებიც მიყვარს. ჯერ კიდევ სკოლის ასაკში ვწერდი, საკმაოდ დიდი ინტერვალის შემდეგ, ემიგრაციაში მივუბრუნდი პოეზიას. ჩვენი ებოქა მიდრადია საოცარი ავტორებით, ამ მხრივ აჭარა გამოჩენილია. არაერთი კარგი ავტორი გვყავს, მათ ფონზე მე, ალბათ, უნდა ვდუმდე, მაგრამ გავკადნიერდები და მკითხველისთვის ორ ლექსს დავიტოვებთ.

**„გუშინ მამამ თქვა, მარნებს შიათო, ბელურაც აღარ ჩერქავს ჩხავერებს, სიცარიელე, ეს უნიათო დაცილი ცურვივით ადევს მთა-ველებს. მოვა ზამთარი მიტოვებულთან, კვლავ ჩუმი ყინვით გაუთბობს ხელებს და დასამარხავ პატარძალივით თეთრი კაბებით შემოსავს ხეებს...“**

**„წუხელ გათოვდა, საყონიათს ახურავს ჩაღრი“.**

**მიყვება მამა და ფიქრებში, კვლავ მარანს დარდობს. მე ხმაში ვხედავ, მამა როგორ იწვდის სურვილებს და ზამთრის სუსხით თმაბურჩუნულ საკვამურს ათბობს...“**

**„ვიდრე მე ვფიქრობ: - მთებში ნისლია, გამოსდებია ძძვს და ნაძვარებს, ზეცა გამოშლის ფიქრების კალთას და მთების ყელზე დაასახლკარებს. იცის მოთოვაც, მკვარტლავდეს თითქოს, გაღმა ბუხრის ყელს თვალს ვეღარ ჰკიდებ და ფიქრიანი კურთხევისა ქედო, ნისლის სარაფანს მოივლებს კიდევ! დუმს და დუმისილი ექო ღრიალებს, ან სიტყვა როგორ იტყვის ნაფიქრალს?! შეზრიალდება საყონიათი, მიმისწორებს გუშინ ნაფიქარს. და მინც, ვიდრე ვფიქრობ ნისლია, ვუშურ და თვალში ფიქრებს ვალაგებ, ზეცის ნაფიქრი შეშლილი აზრი ყოველ მტკაველზე ლოკავს ალაგებს, სადაც ერთხელაც ისე ჩამოთოვს, მე ვეღარ ვიხელ მზეს და მისებს... დუმს და დუმისილი ექო ღრიალებს, მთების აჩრდილი მეტევა თვალში, როგორ მეგონა უკიდევანო, როცა პატარა ვიყავი, მაშინ...“**

**სწორედ პოეზიის და ლიტერატურის სიყვარულმა მომცა ძალა, ემიგრანტებისთვის შემექმნა სივრცე, სადაც შესაძლებლობა ექნებოდათ გამოეწერათ ან წაეკითხათ ქართული წიგნები. ბიბლიოთეკის საკუთარი საცხოვრებელი ფართის ნაწილი დავთმე და მილანის ემიგრაციას პირველი ქართული ბიბლიოთეკა გავუხსენე, სადაც შეუძლიათ შესვლა და წიგნის გამოწერა. ამას ხაზგასმით იმითომ ვამბობ, რომ ვიდრე მე ვავხსნიდი ბიბლიოთეკას, წიგნების გარკვეული მარაგი ჰქონდა ქართულ სამრევლოს, რომელსაც ჩვენი ძალიან ძვირფასი მამა კირიონ მაჩაიძე უძღვებდა.**

## ხულოელი მოჭიდავეების წარმატება

ცოტნე ცაბაძე 27 48 93

თბილისში ჩატარდა საქართველოს ჩემპიონატი ბერძნულ-რომაულ ჭიდაობაში 23 წლამდე ასაკის მოჭიდავეთა შორის. ასპარეზობაში საქართველოს სხვადასხვა ქალაქისა და მუნიციპალიტეტის ნაკრები გუნდები მონაწილეობდა. 200-მდე მონაწილეს შორის იყვნენ ხულოელი მოჭიდავეებიც

ხულოს სასპორტო სკოლაში აღზრდილმა მოჭიდავეებმა სხვადასხვა სინჯის მედლები მოიპოვეს.

55 კილოგრამ წონით კატეგორიაში მესამე ადგილი დაიკავა გიორგი კოჩალიძემ (მწვრთნელი - გრიგოლ შანთაძე), 67 კილო-

გრამ წონით კატეგორიაში ბრინჯაოს მედალი მოიპოვა ანრი თავართქილაძემ (მწვრთნელი - მალხაზ სოლომონიძე), 77 კილოგრამ წონით კატეგორიაში ფინალური ასპარეზობა წააგო და ვერცხლის მედალს დასჯერდა რესპუბლიკური და საერთაშორისო ტურნირების გამარჯვებული ხვიჩა ანანიძე (მწვრთნელი - მალხაზ სოლომონიძე).

ჩემპიონატში მონაწილე სპორტსმენებს ფინანსური მხარდაჭერა ხულოს მუნიციპალიტეტის მერიამ გაუწია. ჩემპიონატში საპრიზო ადგილებზე გასულ სპორტსმენთა ბაზაზე დაკომპლექტდება საქართველოს ნაკრები. მოჭიდავეები მონაწილეობას მიიღებენ სხვადასხვა შეჯიბრში.

